

Akinafarir Hibrun Gumamaziba Bagha Zuim

O Hibru Akar faragha zuim

Judabar marazi faragha uan navibagh iragha Kraisin gin zui, egha datirighin uan nighnizir gavgavim ataghiraghasava ami. Kamaghin, akinafarir kam gumazir mam o amizir mam me bagha an osiri. E fozir pu, tinaram an osiri, akinafarimin aven gumazim o amizim uan ziam diborozir puvati. Marazi ghaze, Pol, o Barnabas, o Apolos, o Prisila, men tav ti an osiri.

Gumazir maba Kraisin gin zuir gumamaziba dikabira egha osimtiziba me ganidi. Akinafarir kam men nighnizir gavgaviba gavgavim dar aningasa, kamaghin amizi, a ingangarir ekiar God Krai Iesusin aven amizim, gun me migei. Kraisra guizbangin Godin arazim en akakasi.

Ezi akinafarir kam bizir ekiar pumuning ko mikezim migei. 1. Iesus a guizbangira Godin Otarim. Dughiar Iesus nguazimin itim, an osimtizir aviriba ko mizaziba ini. Ezi arazir kamın God Iesus gamizi, a gumamazibar akurvaghamin faragha zuir gumazimin oto. (2:10) Egha Iesus akam inigha izir gumazir fomira itiba ko enselba ko Moses gafira. 2. God uabi Iesus amisevezi a ofa gamir gumazimin iki mamaghira ikiam, egha a Judabar ofa gamir gumazibagh afira. 3. Iesus a Godin Nguibamin Ofa Gamir

Gumazibar Dapanimın iti. Egh gumazamizir nighnizir gavgavim an itiba, a ua me iniam. Moses Osirizir Araziba, God bagha ofa gamir arazibar gun migei, da pura Iesus amizir ingangarir ekiar kamın nedaziba.

Akınafarir kam gumazamizibar nighnizir gavgavim, gavgavim dar aningasa. Kamaghın amizi, a Israelian gumazamizir fomıra itibar nighnizir bar gavgavimın akaba iti (sapta 11). A ghaze, marki, osimtizir manam me bato, me uan nighnizir gavgavimın suiraghvıra iki mangıva ovengegh. Me Iesusın gan an arazibar gın mangı, egh osimtıziba ko mızazir me isiba batogh.

Jesus, a enselbagh afıra

(Sapta 1--2)

God e mikimasa uan akam isa uan Otarim ganıngi

¹ Fomıra God dughiar avırıba ko tuavir avırıbar uan akam isa an akam inıgha izir gumazıbagh anıngizi, me en inazir afeziabav keme.

² Ezi datırıghın dughiar kam, kar dughiar abuananaba, God e mikimasa uan akam isa uan Otarim ganıngi. God bizıba bar da iniasava Otarir kam amısefe. Otarir kamın agharımın, God fomıra overiam ko nguazımın ingari.

³ Ezi Otarir kamra Godın angazangarım en akagha ghaze, God a bar dera. Egha uaghan a Godın mirara gari. An akam bar gavgafi, egha akar

1:2: Sng 2:8, Jo 1:3, Ef 1:10 **1:2:** Onger Akaba 2:8; Jon 1:3; Efesus 1:10 **1:3:** Ap 2:33-34, 2 Ko 4:4, Kl 1:15-17, 1:20, Hi 8:1, MAA 4:11

1:3: Aposel 2:33-34; 2 Korin 4:4; Kolosi 1:15-17; 1:20; Hibru 8:1; Akar Mogomem 4:11

kamra a bar bizibagh amima, da gavgavighavira iti. Egha an arazir kuraba gın amadir ingangarim agıvagha, gumazamizibagh amima me zuegha iti. Egha a gın Godın Nguibamın ghuavanabogha Pın Tir Atrivir Ekiamın agharir guvimın boroghın apera.

Godın Otarim enselbagh afira

⁴ Afeziam ziam uan Otarim ganıngi. Ezi ziar kam a bar dera, egha enselbar ziabagh afira. Kamaghın amizi, an Otarim gamizıma a enselbar ekiamın oto, ezi me an apengan iti.

⁵ Egha God dughiatam uan enselin tam kamaghın a mikemezır puvati, “Ni nan Otarim, ezi datırıghın ki nın Afeziamın oto.” O a kamaghın enselin tam mikemezır puvati, “Ki uabi ia inıgh, egh ian Afeziamın mın ikiti, ia nan Otarımın mın ikiam.” Bar puvati.

⁶ Egha dughiar God ua uan Otariar ivariam nguazır kamın anemangasa uaghan ghaze:

“Godın enselba bar an apengan ikıva an ziam fam.”

⁷ God enselbagh nıghnıgha kamaghın mıgei, “A uan enselbagh amima da aminimın mın otifi,

1:4: Ef 1:21, Fl 2:9-10 **1:4:** Efesus 1:21; Filipai 2:9-10 **1:5:** 2 Sml 7:14, 1 Sto 17:13, Sng 2:7, 89:26-27, Ap 13:33, Hi 5:5 **1:5:** 2 Samuel 7:14; 1 Eghaghanıba 17:13; Onger Akaba 2:7; 89:26-27; Aposel 13:33; Hibru 5:5 **1:6:** Lo 32:43, Sng 97:7, Ro 8:29, Kl 1:18, 1 Pi 3:22, MAA 1:5 **1:6:** Godın Arazıba 32:43; Rom 8:29; Kolosi 1:18; 1 Pita 3:22; Akar Mogomem 1:5 **1:7:** Sng 104:4 **1:7:** Onger Akaba 104:4

egha uan ingangarir gumazibagh amima me avir mizariabar min otifi.”

⁸ Egha Otarim ginighnigha kamaghin migei:

“Nin atrivir dabirabir God ni ganingizim,
a zurara iki mamaghira ikiam.

Eghti ni guizin arazimin
uan gumazamizibagh ativagh men ganam.

⁹ Ni arazir aghuibara ifuegha, egha arazir kuraba
bar dar aghua.

Kamagh amizi, God ni amisevegha,
ni ziar ekiam ikiasa
a borem nin dapanim ginge.

A kamaghin ni gamizi
ni bar akonge,

ezi ni bar akongezir bizir kam,
atrivir igharaziba bar me gafira.”

¹⁰ Egha God uan Otarim kamaghin a migei:

“Ekiam, ni fomira nguazir kamin ingari.
Guizbangira, ni uabi uan dafaribar overiam
ko bizir pin itibar ingari.

¹¹ Bizir kaba bar givagham,
eghti ni ikivira ikiam.

Overiam ko nguazim, aning bar ikuvigham,
mati inim ghurigha bar biaghire.

¹² Ni aning righam,
mati gumazim atuim riki.

Ni aning damighti aning igharagh otogham,

1:8: Onger Akaba 45:6-7 **1:9:** Ais 61:1, Ap 4:27, 10:38 **1:9:**
Aisaia 61:1; Aposel 4:27; 10:38 **1:10:** Onger Akaba 102:25-27
1:11: Ais 34:4, Mt 24:35, 2 Pi 3:7, 3:10 **1:11:** Aisaia 34:4; 2 Pita
3:7; 3:10

mati gumazim korotiar ghuriba suagharisi.
 Ezi ni, kamaghira iti, ni igharagha garir puvati.
 Nin dughiam givaghan kogham.”

¹³ Fomira God kamaghin uan Otarimra kamaghin a mikeme, “Ni nan agharir guvimin daperagh iki mangiti, ki nin apaniba dikabiragh me isi nin dafarim datighti me nin dagarimningin apengan ikiam.” Egha God dughiatamin akar katam enselin tam mikemezir puvati. Bar puvati.

¹⁴ Guizbangira enselba me duaba, egha me Godin ingangarim gami. Ezi God gumazamizir a ua iniamibar akurvaghasa me amadi, me arui.

2

*God en akurazir arazim,
 a bizir bar ekiam*

¹ Godin Otarim ziar ekiam isi, kamaghin amizi, akar e oraghizir kamnagh, e bar mighviram an suiragham. E ireghan koghsi, e akar kam deraghvira an suiragh gavgavigh ikiam.

² Fomira God en inazir afeziabav kimasa, uan akam isa enselbagh aningi, egha kamaghira tuavir kamin a kamaghin men aka, akar kam a guizbangira. Ezi gumazamiziba akar kamin gin zuir puvatigha a batoke, me ivezir kuram iniam.

1:13: Sng 110:1, Mt 22:44, Mk 12:36, Lu 20:42 **1:13:** Onger Akaba 110:1; Matyu 22:44; Mak 12:36; Luk 20:42 **1:14:** Sng 34:7, 91:11, Mt 18:10, Ap 12:7, Ro 8:17, Je 2:5, 1 Pi 3:7 **1:14:** Onger Akaba 34:7; 91:11; Matyu 18:10; Aposel 12:7; Jems 2:5 **2:2:** Sng 68:17

Men arazir kurar me amizibar mırara, me uan ivezir kuram inis.*

³ Ezi datirighin, God en akurazir arazim, a bizir bar ekiam. E akirim ragh Godin akurvazir arazim gasaraghıva, e manmaghin arazir kuramin ivezim gitagham. Bar puvatıgham. Ekiam uabi faragha en akurvaghasa mikeme, ezi gumazamiziba an akam baraki. Ezi me kamaghin mıgia en aka, akar kamnagh a guizbangıra.

⁴ Dughiar kamın, God mirakelin igharagha gariba ko digavir kuram gamir arazibagh amua uan ifongiamın gın ghua Godın Duamın bizir aghuiba tuiragha gumazamizibagh anıdi. Ezi arazir kamın a kamaghin en aka, an Otarımın akar kam a bar guizbangıra ghu.

Jesus, a uabi en Akurvazir Gumazim

⁵ E nguazir igiar God gın damightı otivamim gınighnigh fogham, God nguazir igiar kam gati-vasa, enselbav kemezir puvati. Bar puvati.

⁶ Ezi Godın Akınafarımın aven akar mam kamaghin iti:

* **2:2:** Me Akar Dikirızir Gavgavir God Moses ganıngızim mıgei. Ni Ua Me Ini 19-20ın gan. Ua Me Iniamın Akınafarımın akam, enselin mıgırıgiaba puvati, ezi Judaba kamaghin nıghnızir gavgavım iti, God Akar Dikirızir Gavgavım enselbar dafarımın Moses ganıngi. İa Aposel 7:38 ko 7:53, ko Galesia 3:19ın gan. **2:3:** Mt 4:17, Mk 1:14, Lu 1:2, Hi 10:28-29, 12:25 **2:3:** Matyu 4:17; Mak 1:14; Luk 1:2; Hibru 10:28-29; 12:25 **2:4:** Mk 16:20, Ap 2:22, 14:3, 1 Ko 2:4, 12:4, 12:7, 12:11, Ef 1:5, 1:9 **2:4:** Mak 16:20; Aposel 2:22; 14:3; 1 Korin 2:4; 12:4; 12:7; 12:11; Efesus 1:5; 1:9 **2:5:** Hi 6:5, 2 Pi 3:13 **2:5:** Hibru 6:5; 2 Pita 3:13 **2:6:** Jop 7:17, Sng 144:3 **2:6:** Jop 7:17; Onger Akaba 144:3 **2:6:** Onger Akaba 8:4-6

“O God! E gumazamiziba ti manmaghıram amizir biziba, ezi ni mighigha e ginighnisi?
E pura biziba. Manmaghıram amizi, ni bar puvıram e ginighnisi?

⁷ Ni uabi en ingarigha, e isa enselbar apengan e ati.
Ni gavgavim ko ziar ekiam isa e ganiga e afazi,
bizir ni ingariziba bar en apengan iti.

⁸ Biziba bar moghıra ni da isa e gumazamiziba en suemningın apengan da ariki.
Eghti e bar dagh ativagham.”

Godın akar kam ghaze, God gumazamizibagh amizi, biziba bar men apengan ikiti me dagh ativagham. Akar kamın mingarim a kamakın, God bizir a ingariziba bar da isa en apengan da ariki. Ezi e fo, datirighın e garima, biziba bar en apengan itir puvati.†

⁹ Ezi e Iesus gifo, a ziar ekiam ini. God kamagh-sua, a bar en apangkuvighti, tuavir kamın Iesus gumazamiziba bagh aremegham. Egha kamaghın bar dughiar otevimın an enselbar apengan ike. Egha mızazir dafam inigha areme, ezi bizir kam bagha God ziar ekiam a ganiga a ghufe.

2:8: Mt 28:18, 1 Ko 15:25-27, Ef 1:22 **2:8:** Matyu 28:18; 1 Korin 15:25-27; Efesus 1:22 † **2:8:** Akar Onger Akabar Akinafarımın aven itim, a gumazamiziba bar me migei. Ezi gumazir Hibrun Akinafarımın Osirizim, a Iesus ginighnigha ghaze, a gumazımın mın otogha gumazamiziba bar men danganim ini. Ezi kamaghın Onger Akabar Akinafarımın, a bizir guizin Iesus batozıvav gei.

2:9: Jo 3:16, Ro 5:18, Fl 2:7-9, 1 Ti 2:6, 1 Jo 2:2, MAA 5:9 **2:9:** Jon 3:16; Rom 5:18; Filipai 2:7-9; 1 Timoti 2:6; 1 Jon 2:2; Akar Mogomem 5:9

¹⁰ E fo, God a biziba bar dar mingarim, egha a biziba bar dar ingari. Egha kamaghin ifonge, Iesus uan borir aviriba inigh men aku Godin Nguibamin mangam, eghti me Iesus ko ziar ekiam iniam. God kamaghin ifonge, Iesus gumazamizibar akurvaghamin ingangarim damuam, kamaghin amizi, a Iesus ataghizima a mizazim isi. Ezi mizazir kam Iesus gamima a gumazamizibar akurvaghamin gumazir bar faragha zuimin otogha, tuavim men aka. Arazir God a gamir kam, a bar dera.

¹¹ E fo, gumazir kam Iesus, a gumazamizibagh amizi me Godin gumazamizibar min ikia egha me bar zue. A me ko afeziar vamira iti. Kamaghin amizi, an aghumsizir puvatigha me dibora ghaze, “Nan aveghbuaba ko buaramiziba.”

¹² Egha a kamaghin God migei:

“Ki uan adarazir tongin iki
nin ziamin gun me mikimam.

Ki gumazamiziba uari akuvamin danganimin iki
men tongin nin ziam fam.”

¹³ Egha a ua ghaze, “Ki datirighin, God damuasa mikemezir biziba, ki puram a mizuam da baghan ikiti God damuasa amir biziba, a mikemezi

2:10: Lu 24:46, Jo 20:17, Ap 3:15, Ro 8:29, 11:36, Hi 5:9, 10:10

2:10: Luk 24:46; Aposel 3:15; Rom 8:29; 11:36; Hibru 5:9; 10:10

2:11: Mt 25:40, Mk 3:35, Jo 20:17, Ap 17:26,, Ro 8:29, Hi 10:10

2:11: Matyu 25:40; Mak 3:35; Jon 20:17; Aposel 17:26; Rom 8:29

2:12: Sng 22:22 **2:12:** Onger Akaba 22:22 **2:13:** Sng 18:2, Ais 12:2, Jo 17:6, 17:9-12 **2:13:** Onger Akaba 18:2; Jon 17:6; 17:9-12

moghın dar amuam.” Egha ua ghaze, “Ia gan, ki borir God na ganıngiziba me ko iti.”‡

Iesus en akuraghasa gumazimın mın oto

¹⁴⁻¹⁵ Kamaghın amizi, borir kaba, me guizbangıra inıvafıziba ko ghuziba iti. Kamaghıra Iesus uaghan men mın ikia guizin gumazimın oto. A kamaghsua, an aremegh egh arazir kamın a Satan bar a gasighasigham, a gumazir gumazamizibagh amima me ariaghirir gavgavim itim. Gumazamiziba nguazir kamın ikiava ovevemın atıati. Ezi men atiatir kam me ikiagharisi. Kamaghın amizi, Iesus me fırsa, bizir kam bagha, a gumazimın mın otogha egha areme.

¹⁶ Guizbangıra, Iesus ingangarir kam enselbar akurvaghasa a gamizir pu. Puvati. An Abrahamın boriba akurvaghasa a gami.

¹⁷ Kamaghın amizi, a uan doziba ko buaramizibar mıraram oto. A kamaghsua, a men Ofa Gamir Gumazibar Dapanimın iki, egh Godın akamın gın mangı apangkuvim gumazamizibar ikıva Godın ingangarim damu, egh ingangarir kamın gumazamizibar arazir kuraba gın amangam. Kamaghın a gumazamizibar mın oto.

‡ **2:13:** Iesusın akar kam, a Aisaia 8:17-18ın ize. Gumazim o amizir Hibrun Akinafarım Osirizim, en akaghti e fogham, Iesus gumazamizir igharaziba ko magh gari, me an aveghbuaba ko an boriba. Ezi gumazamiziba God mızuaima a bizibagh ami, ezi Iesus uaghan orarti. **2:14-15:** Jon 1:14; 12:31; Rom 8:3; 8:15; Filipai 2:7; Kolosi 2:15; 2 Timoti 1:7; 1 Jon 3:8; Akar Mogomem 12:10 **2:16:** Ais 41:8-9 **2:16:** Aisaia 41:8-9 **2:17:** Fl 2:7, Hi 2:14, 4:15, 5:1-2, 1 Jo 2:2, 4:10 **2:17:** Filipai 2:7; Hibru 2:14; 4:15; 5:1-2; 1 Jon 2:2; 4:10

¹⁸ Ezi Satan a gifarasa arazir kuraba bagha a gakaghori, ezi an osimtiziba ateri. Kamaghin amizi, Satan gumazamizibagh ifaramin dughibar, Iesus men akurvaghamin fofozim iti.

Iesusin ziar ekiam, a bar Mosesin ziar ekiam gafira

3

(Sapta 3:1--4:13)

Iesusin ziar ekiam, a Mosesin ziar ekiam gafira

¹ Kamaghin amizi, Kraisin adarasi, God uaghan Uan Nguibamin mangasa, a ian dia. Ia deravira Iesus ginighnigh, e nighnizir gavgavim an ikia, egha an ziamin gun migia ghaze, a God misevegha amadazir abuir gumazim, egha uaghan Ofa Gamir Gumazibar Dapanim.

² God anemisevegha ingangarir kam a ganingizi, a Godin gumazamiziba bagha ingari. Moses fomira Godin gumazamiziba bagha deravira ingarizi moghira, a ingari.

³ E fo, gumazir dipenimin ingarim, a ziar ekiam isi, ezi an ziar ekiam, an dipenimin ziar ekiam gafira. Ezi kamaghira God ziar ekiam Iesus ganingi, ezi an ziar ekiam, Mosesin ziar ekiam gafira.

2:18: Hi 4:15-16, 5:2, 7:25 **2:18:** Hibru 4:15-16; 5:2; 7:25 **3:1:** Ef 4:1, Fl 3:14, Hi 4:14, 5:5, 6:20, 7:26, 8:1, 9:11, 2 Pi 1:10 **3:1:** Efesus 4:1; Filipai 3:14; Hibru 4:14; 5:5; 6:20; 7:26; 8:1; 9:11; 2 Pita 1:10 **3:2:** Nam 12:7 **3:2:** Diboboniba 12:7 **3:3:** Sek 6:12, Mt 16:18 **3:3:** Sekaraia 6:12; Matyu 16:18

⁴ Ezi dipeniba bar, gumaziba dar ingari. Ezi Godra, a biziba bar dar ingari.

⁵ Moses a Godin ingangarir gumazimin iti, egha Godin akamin gin ghua Godin gumazamiziba bagha deravira ingari. A bizibar gun mikimamin ingangarim iti, akar God gin a mikimamiba.

⁶ Ezi Kraisa a Godin Otarim, a Godin gumazamizibagh ativagh men ganam. Egha guizbangira Godin akamin gin ghua ingangarir kam deravira a gami. Eghti e atiatingan koghiva, nighnizir gavgavim ikiva egh bizir aghuir e iniamiba e dav zuamam, egh kamaghin damuva, e uaghan Godin Dipenimin min ikiam.

Gumazir akaba batoziba, me aghuvsazim inian kogham

⁷⁻⁸ E Godin gumazamiziba, egha uaghan an dipenimin min iti, kamaghin amizi, e Godin Duamin akam baragham. A kamaghin migei:

“Ia datirighin Godin tiarim baraghiva,
 egh ia uan navibar kuman marki,
 mati ian inazir afeziaba fomira an akaba
 batogha
 orazir puvati.

Me gumazamiziba puvatizir danganimin ikia God
 damuti a irasa an akam batosi.

⁹ God ghaze,

3:4: Ef 2:10, 3:9, Hi 1:2 **3:4:** Efesus 2:10; 3:9; Hibru 1:2 **3:5:**
 Nam 12:7 **3:5:** Diboboniba 12:7 **3:6:** Ro 5:2, Ef 2:21-22, Kl
 1:23, 1 Ti 3:15, Hi 3:14, 6:11, 1 Pi 2:5 **3:6:** Rom 5:2; Efesus 2:21-22;
 Kolosi 1:23; 1 Timoti 3:15; Hibru 3:14; 6:11; 1 Pita 2:5 **3:7-8:**
 Onger Akaba 95:7-11 **3:7-8:** Ua Me Ini 17:7; Diboboniba 20:2-5

Me danganir kamın ikia niĝnizir gavgavim
nan itir puvatıgha,
nan gavgavim tuisıgh fofoghasa nan azai.

Me garima,

ki 40plan azenibar arazir aghuiba me bagha
dagh ami.

¹⁰ Kamaghın amizi, ki bar gumazamizir kabar
aningaghegha ghaze,

‘Gumazamizir kabar naviba bar saghon ikia
nan ğin zuir puvatı.

Me zurara tuavir ki me bagh atızim gi-
tavırası.’

¹¹ Ki men aningaghegha bar guizbangıra akar gav-
gavim gamua ghaze,

‘Me nan aghuvsazir danganimın aven
mangıghan kogham.

Bar puvatı!’”

¹² Kraısın adarasi, ia uari bagh deravıra gan,
ian tongın tav niĝnizir kuratam an navir ave-
riamın ikiti a niĝnizir gavgavim ategh, akirim
ragh Angamıra Itir God gasan marki.

¹³ Ezi ia kamaghın damuan marki, ia kamaghın
damu, ia zurara dughiabar ia vaghvagh Godın
gumazamizir ıgharazıba ko ia, akar aghuım uari
daning uarir akurvagh egh uan navıba gavgavim
dar aning. Kamaghın arazir kuram tav gifaraghti,
a Godın ğin zuir tuavim ateghan kogham. Godın
Akinafarım ghaze, “Datırıghın,” e fo, e datırıghın
ingangarir kam damuam.

14 Ia fo, dughiar e faragha nighnizir gavgavim Godin itim, en nighnizir gavgavim bar gavgafi. Egh e uan nighnizir gavgavibar amuti da gavgavigh iki maghira mangi dughiar e ovengamimin otogham. E kamaghin damuva, e bar Kraiss ko poroghiv iki a ko ingar ikiam.

15 E fo, Godin Akinafarim kamaghin migei:

“Datirighin ia Godin tiarim baraghiva,
 egh ia an akamin aghuaghan marki,
 mati ian inazir afeziaba fomira an akaba batogha
 egha orazir puvati.”

16 Fomira te Godin tiarim baregha, an gin zuir puvati, egha an akam batosi? Kar gumazamizir Moses inigha Isipin ghueziba, meraram arazir kam gami.

17 Ezi God 40plan azenibar ten aningaghe? A gumazamizir arazir kurabagh amiziba, me gumazamiziba puvatizir danganimin ariaghirezir gumaziba, merara, a men aningaghe.

18 God fomira guizbangira akar gavgavim akira ghaze, “Me nan aghuvsazir danganimin aven mangan kogham.” Akar kam, a te ganingi? Kar gumazamizir an akam barazir puvatiziba. A me baghvira migei.

3:14: Hi 3:6 **3:14:** Hibru 3:6 **3:15:** Sng 95:7-8, Hi 3:7-8 **3:15:** Onger Akaba 95:7-8; Hibru 3:7-8 **3:16:** Lo 1:1-38 **3:16:** Godin Araziba 1:25-38 **3:16:** Diboboniba 14:1-35 **3:17:** Sng 106:26, 1 Ko 10:10, Ju 5 **3:17:** Onger Akaba 106:26; 1 Korin 10:10; Jut 1:5
3:18: Lo 1:34-35, Hi 3:11 **3:18:** Godin Araziba 1:34-35; Hibru 3:11

¹⁹ Kamaghin e fo, gumazir kaba me nighnizir gavgavim Godin ikian aghua. Ezi bizir kam bagha me Godin aghuvsazir danganimin aven mangan ibura.

4

Godin gumazamiziba aghuvsazim iniam

¹ Datirighin, God uaghan e inigh aghuvsazir danganimin aven mangasa akam akiri. Ezi kamaghin ia uari bagh deravira gan, ian tav atam akuigh egh danganir kam in aven mangighan kogham.

² E Akar Aghuim baraki, mati fomira Israelia a baraki. Egha Israelia me puram akam a baraki, egha nighnizir gavgavim an itir puvati. Ezi bizir kam bagha Akar Aghuir me oraghizir kam, a men akurazir puvati.

³ Ezi e gumazamizir nighnizir gavgavim Godin itiba, an e ateghtima e an aghuvsazir danganimin mangam. A fomira nguibar kam ginighnigha egha a mikemezir moghira:

“Ki aningaghegha akar gavgavim akira ghaze,
 ‘Me nan aghuvsazir danganimin aven
 mangighan kogham.
 Bar puvati!’”

Guizbangira, God Mosesin dughiamin akar kam migei, ezi e fo, bar fomira dughiar a nguazir kam in

3:19: Hi 4:6 **3:19:** Hibru 4:6 **4:1:** Hi 12:15 **4:1:** Hibru 12:15
4:3: Sng 95:11, Hi 3:11, 3:14 **4:3:** Onger Akaba 95:11;
 Hibru 3:11

ingarizim, a nguazir kamın ingarasa nighniziba a dagh amigha gifa.*

⁴ Godın Akınafarımın aven akar otevir mam iti, a namba 7ın dughiam miġei, “Aruer namba 7ın, God garima an ingangariba bar gifa, ezi a dughiar kamın avughse.”

⁵ Ezi miġirigiar otevir kamra e faragha a baraki, a ua miġia ghaze, “Me nan aghuvsazir danganimın aven mangighan kogham. Bar puvati!”

⁶ E kamaghın bizir kam ġifo, Godın aghuvsazir danganir kam a ikiavira iti, ezi gumamazitaba an aven mangam. Ezi gumamazir faragha Akar Aghuim baraghiziba, me nighnizir gavgavim an itir puvati, kamaghın amizi, me aven ghuezir puvati.

⁷ Ezi gumamazir kabar ġin, azenir aviriba ghua gifa, ezi God uan akam isa Devit ganıngi, ki Godın Akınafarımın aven itir akar kamın gun mikemegha gifa. A ghaze:

“Datirighın ia Godın tiarim baraghıva,
egh ia an akamın aghuaghan marki.”

Devitin dughiamın, God ghaze, “Datirighın,” egha

* **4:3:** Israelia Isip ataghizir dughiam, God Moses ko Josua me inigh Kenanın Nguazimın mangasa a ifonge, eghti nguazir kam me dapiagh avughsamin danganimın otogham. Ezi gumazir Hibrun Akınafarim osirizim kamaghın en aka, God avughsızir danganir igharazim iti, kar Godın Nguibam, guizbangiram an avughsazir danganim, eghti gumamazir nighnizir gavgavim an itibarama Nguibar kamın aven mangan. **4:4:** Stt 2:2, Kis 20:11, 31:17 **4:4:** Genesis 2:2; Ua Me Ini 20:11; 31:17 **4:5:** Sng 95:11 **4:5:** Onger Akaba 95:11 **4:7:** Sng 95:7-8 **4:7:** Onger Akaba 95:7-8

kamaghin en aka, a dughiar igharazim ginaba. Dughiar a inabazir kam, gumamaziziba an aghuvsazir danganir kamın aven mangam.

⁸ Josua ti fomira aghuvsazim gumamazizibagh aningizi, ezi God gin dughiar igharazitam ginabaghan koghai.

⁹ Kamaghin amizi, e fo, Godin gumamazizibar aghuvsazim a ikivira ikiam, a mati Sabatin aghuvsazir dughiam.

¹⁰ E fo, gumazim Godin aghuvsazir danganimin aven ghua, a uan ingangarim agivagha aghuvsı, mati fomira God uan ingangarim agivaghava aghuvsı.

¹¹ E kamaghin aghua, me fomira amizi moghin, gumazitam o amizitam uan akaba batozir arazimin gin mangi, aremegh uan aghuvsazir danganimin aven mangighan kogham. Kamaghin e aghuvsazir danganimin aven mangisi pamtemin ingaram.

¹² Godin Akam an angamira ikia, egha pamtemin ingara iti. A bar ghumigha, midorozir sabar ghumtizir pumuning itim gafira. Ezi akar kam, sabar ghumtizimin min, a bar gumazimin namnam okoregha bar aven ghua, duam ko navir averiam uaning bativi naghin oto, egha uaghan aghariba uari isasuirazir naghin, ko agharibar aven itir ovim, aning uaning bativi naghin oto.

4:8: Lo 31:7, Jos 22:4 **4:8:** Godin Araziba 31:7; Josua 22:4
4:10: Stt 2:2, Hi 4:4 **4:10:** Jenesis 2:2; Hibru 4:4 **4:11:** Hi 3:12,
 3:18-19 **4:11:** Hibru 3:12; 3:18-19 **4:12:** Ais 49:2, Jer 23:29, Jo
 12:48, 1 Ko 14:24-25, Ef 6:17, MAA 1:16, 19:15 **4:12:** Aisaia 49:2;
 Jeremaia 23:29; Jon 12:48; Efesus 6:17; Akar Mogomem 1:16; 19:15

Egha a bar en niġniziba ko en navir averiabar aven itir ifongiabagh fogha da tuisisi.

¹³ Ezi bizir God ingariziba, tam Godin damazimin modoghan kogham. Bar puvati. Ezi biziba bar kuiaghiregha Godin damazimin bar azenara ikiam. Eghti Godra arazir e amiba tuisightima e dar a geghanam.

**Iesus Godin Nguibamin ikia, en
Ofa Gamir Gumazibar Dapanimin
min ikia, egha Akar Dikirizir
Gavgavir Igiamin abuir
gumazimin min iti**

(Sapta 4:14--10:39)

Iesus Ofa Gamir Gumazibar Dapanim

¹⁴ Ezi e Ofa Gamir Gumazibar Dapanir mam iti, ezi a bar Godin Nguibamin aven ghu. A Iesus, Godin Otarim. Kamaghin amizi, e niġnizir gavgavir e gun miġeir kamın suiragh gavgavigham.

¹⁵ E uari arazir kuraba dikabinamin gavgaviba puvati. Egh e kamaghin niġnighan kogham, Ofa Gamir Gumazibar Dapanir kam, en niġnizibagh fogh en kuarkuvighan kogham. Puvati. Satanin ifavarir arazir e bativiziba, da uaghan bar a bativigha gifa. Ezi an arazir kuratam gamizir puvati.

4:13: Jop 26:6, Sng 33:13-14, 90:8, Snd 15:11 **4:13:** Jop 26:6; Onger Akaba 33:13-14; 90:8; Aghuzir Akaba 15:11 **4:14:** Hi 3:1, 7:26, 10:23 **4:14:** Hibru 3:1; 7:26; 10:23 **4:15:** 2 Ko 5:21, Hi 2:17, 7:26, 1 Pi 2:22, 1 Jo 3:5 **4:15:** 2 Korin 5:21; Hibru 2:17; 7:26; 1 Pita 2:22; 1 Jon 3:5

¹⁶ Kamaghin amizima, e atiatingan koghiva Godin atrivir dabirabimin boroghin mangam, Godin apangkuvim a gizifa. E a bagh mangitima God en kuarkuvigh en apangkuvigham. Egh e osimtizitam ikiti an apangkuvim en akuragham.

5

Iesus, en Ofa Gamir Gumazibar Dapanim, an en akura

¹ Ia nighnigh. Ofa gamir gumazibar dapaniba bar, God vaghvagha men adarazir tongin me amisefe. God men mav amisevezima, a gumamaziba bagha Godin ofa gami. Egha uaghan bizir aghuiba isa God ganidi. Egha arazir kuraba bagha ofa gamima God arazir kuraba gin amadi.

² Egha a uabi a Godin damazimin bizibar amuamin gavgaviba puvati. Kamaghin amizi, gumazir fofoziba puvatigha pazav amiba, a men asughasusi.

³ Egha a uabi a bizibar amuamin gavgaviba puvati, kamaghin amizi, a gumamazibar arazir kuraba ko a uan arazir kuraba sara gin amangisi ofabar amu.

⁴ Ezi gumazitam ofa gamir gumazibar dapanimin ikiasa uabi uabi amisevegha ziar ekiam inizir pu. Puvati. God uabi an diazima a ingangarir kam ini. Mati God fomira Aronin diazi mokin.

4:16: Ef 2:18, 3:12, Hi 10:19-22 **4:16:** Efesus 2:18; 3:12; Hibru 10:19-22 **5:2:** Hi 2:18, 4:15, 7:28 **5:2:** Hibru 2:18; 4:15 **5:3:** Wkp 9:7, 16:6, Hi 7:27 **5:3:** Ofa Gami 9:7; 16:6; Hibru 7:27 **5:4:** Kis 28:1 **5:4:** Ua Me Ini 28:1

⁵ Ezi kamaghin, Kraiss uaghan kamaghiram ami. A uabi uan ziam fer puvati, egha Ofa Gamir Gumazibar Dapanimin otozir pu. Puvati, God uabi ingangarir kam damuasa anemisefe. Egha God kamaghin a migei, “Ni nan Otaram, ezi datirighin ki nin Afeziamin oto.”

⁶ Egha uan Akinafarimin aven itir akar igharazir mam, a ghaze, “Ni ofa gamir gumazim, Melkisedekin min iki mamaghira ikiam.”

⁷ Ezi dughiar Iesus nguazimin itim, a pamtemin God ko migia egha diav azi. A fo, an ovengan koghsi, God an akuraghamin gavgavim iti. Kamaghin amizi, a uabi uan ifongiam dikabiragha Godin apengan ikia, an akam barasi. Ezi God an dindiam barasi.*

⁸ Guizbangira Iesus a Godin Otaram, egha a mizazim ini. Ezi tuavir kamra a Godin akamin gin zuir arazim an a gifo.

⁹⁻¹⁰ Egha a uan ingangarir a damuamiba, a bar da gifa. Ezi God anemisevegha ghaze, “Ni Ofa Gamir Gumazibar Dapanimin ikiam, egh

5:5: Sng 2:7, Jo 8:54, Hi 1:5, 1:8 **5:5:** Onger Akaba 2:7; Jon 8:54; Hibru 1:5; 1:8 **5:6:** Sng 110:4, Hi 6:20, 7:1, 7:17, 7:21 **5:6:** Onger Akaba 110:4; Hibru 6:20; 7:1; 7:17; 7:21 **5:7:** Jo 12:27, 17:1 **5:7:** Jon 12:27; 17:1 * **5:7:** Iesus Getsemanin Azenimin ikia, egha osimtizir a bativamim batoghasa God ko migei. Ni Matyu 26:36-46 ko Mak 14:32-42 ko Luk 22:39-46in gan. Migirigiar kabar God Iesus a ko migeir migirigiaba baraki. Guizbangira God Iesus ataghizi an areme, egha God ovevem ataghizi an an suirazir puvati. God a gamizi ua mozim in dikavizi, a ziar ekiam a ganigha a gamizi an Ofa Gamir Gumazibar Dapanimin oto. Ni uaghan Aposel 2:24 ko Hibru 2:29 ko Filipai 2:6-11in gan. **5:8:** Fl 2:8, Hi 3:6 **5:8:** Filipai 2:8; Hibru 3:6 **5:9-10:** Hi 2:10, 5:6, 11:40 **5:9-10:** Hibru 2:10; 5:6; 11:40

Melkisedekin mın ikiam.” Ezi a gumamazir an akam baragha an gın zuiba, a men Akurvazir Gumazimın oto. Egh a men akurvaghti me deravıra iki mamaghıra ikiam.

E borir aghiribar mın ikian kogham

¹¹ E fo, Iesus Ofa Gamir Gumazibar Dapanimın oto, ezi e migirigiar avırıba akar kamın iti, e dar gun ia mikımasa. Ezi ia oraghan aghua. Kamaghın amizima, e akar kamın mıngarım ia mikıman ibura.†

¹² Ia fomıra Kraisin adarazir otivigha gıfa, ezi kamaghın ia gumamazıbar Godın akam men sure gamıghai. Puvati, ian nıghnızıba oteveg-havıra iti, kamaghın gumazir ıgharazıba, Godın akar faraghavıra ian sure gamızıba, me ua ian sure damuam. Ia dagher gavgavıba inian fıın, ia otem apavıra iti.

¹³ Ezi tina otem apavıra iti, an aghirimra iti. Egha an arazir aghuımın akar mıngarım gifozir puvati.

¹⁴ Ezi dagher gavgavıba, da gumazir aruabar daghem. Ezi gumazir kaba, me dughiar avırıbar arazıba tuisisi, arazir manam dera ezi arazir manam ikufi. Egha datırıghın me deravıra fofoghava egha me nıghnızir dikırıaba iti.

5:11: Mt 13:15, Jo 16:12, 2 Pi 3:16 **5:11:** Matyu 13:15; Jon 16:12; 2 Pita 3:16 † **5:11:** Ni Hibru sapta 7ın gan. **5:12:** 1 Ko 3:1-3, Hi 6:1 **5:12:** 1 Korin 3:1-3; Hibru 6:1 **5:12:** 1 Korin 3:2 **5:13:** 1 Ko 13:11, Ef 4:14, 1 Pi 2:2 **5:13:** 1 Korin 13:11; Efesus 4:14; 1 Pita 2:2 **5:14:** Ais 7:15, Ro 16:19, 1 Ko 2:14-15, Fl 1:10 **5:14:** Aisaia 7:15; Rom 16:19; 1 Korin 2:14-15; Filipai 1:10

6

E deraghvira tuivigh gavgavigh God mizuamti, a deraviram e damuam

¹⁻² E datirighin Kraisin adarazir migirigiar faragha iniziba ataghiragham, migirigiar kaba: navibagh ighegh akirim ragh ovever arazibagh asaraghamin migirigiaba ko, nighnizir gavgavim Godin ikiamin migirigiaba ko, rurir arazimin migirigiaba ko, dafariba gumazibagh isin arizir arazimin migirigiaba ko, gumazamizir ovegha ua dikavibar migirigiaba ko, God gumazamizibar araziba tuisighti me mizaziba iniam, o zurara ikivira ikiamin migirigiaba, e migirigiar kaba ateghti, da zurara en nighnizibar ikian kogham. E kamaghin nighnighvira ikiva, mati e dipenir akiniba dughiar aviribar da akurvira iti, egh dipenim asaragham kogham. E gumazir aruabar min akaba baragh egh dar gin mangam.*

³ God en amamangatightima, e kamaghin damuam.

⁴⁻⁶ Gumazir maba, Godin angazangarimin aven ikegha, akurvazir aghuir Godin Nguibamin izezim inigha ghaze, a bar dera, egh igharaz

6:1-2: Ap 8:14-17, 17:31-32, 19:4-5, Ro 2:16, Fl 3:12-14, Hi 5:12, 9:14

6:1-2: Aposel 8:14-17; 17:31-32; 19:4-5; Rom 2:16; Filipai 3:12-14;

Hibru 5:12; 9:14 * **6:1-2:** Rurir guar aviribagh isir arazimin

akar kam, a Grighin akamin deragha otozir puvati. Gumazir maba kamaghin nighnisi, akar kam Kraisin adarazir rurim migeir puvati.

A Judabar arazir me gin ghua rua Godin damazimin zuer akam migei. **6:4-6:** Mat 12:31, Ga 3:2, Ef 2:8, Hi 10:26-27, 10:29, 10:32,

1 Pi 2:3, 2 Pi 2:20-21, 1 Jo 5:16 **6:4-6:** Matyu 12:31; Galesia 3:2;

Efesus 2:8; Hibru 10:26-27; 10:29; 10:32; 1 Pita 2:3; 2 Pita 2:20-21; 1

Jon 5:16

darazi ko, Godin Duam inis. Egha Godin akam baregha fo, a bar dera. Me Godin gavgavimin aven ghua deragha an gani, gavgavir kam, a gin izamim dughiamin miseveghirigh azenimin otogham. Kamaghin amizi, gumazim akirim ragh God gasaragh tuavir manatamin izi ua navim giragham? Bar puvati. A kamaghin amua, mati, a uan navir averiamin aven Godin Otarim uam a isa ter ighuvim gafugha, a gurazi gumaziba ua dibovir akabar a migei. Kamaghin amizi, gumazir uan nighnizir gavgaviba ataghizir kaba, me ua navibagh iraghamin tuaviba puvati.

⁷ Amozim dughiar aviribar izava nguazimin aven zui. Eghti nguazim daghebar amuti dagher aghuiba otivam, egh gumazir me me bagha da oparizibar akurvagham. Eghti God nguazir kam deragh a damuam.

⁸ Eghti benir ataghatariba ko benir kuraba an ikiti, kamaghin nguazim ikuvigham. A dughiar ruarim ikeghan kogham, eghti God suam, ni ikufi, ni bar isigham.

⁹ Namakar aghuiba, e migirigiar gavgavir kabar ia gami. Egha e ia ginighnigha kamaghin fo, ia tuavir aghuimin gin mangam, a tuavir God ian akurazim.

¹⁰ God a gumazir kuram puvati, a ingangarir aghuir ia amizibagh fo, ia God gifongezir arazimra Godin gumazamizibar akagha men akurvasi, egha ia kamaghin amuavira iti. Egh a bizir kaba bakinighnighan kogham.

6:8: Stt 3:17-18 **6:8:** Jenesis 3:17-18 **6:10:** Ro 15:25, 2 Ko 8:4, 1 Te 1:3, 2 Te 1:6-7, 2 Ti 1:18, Hi 10:32-34 **6:10:** Rom 15:25; 2 Korin 8:4; 1 Tesalonika 1:3; 2 Timoti 1:18; Hibru 10:32-34

11 E kamaghın bar ifonge, ia bizir aghuir ia fogha iniamibav zuam iki, kamaghın ia God gifongezir arazimın gın zui moghın, ia bar moghıra tuivigh gavgavighvıra iki, mangiti ikirimirir kam gıvaghām.

12 Ia amırvaghan marki. Ia gumazir nighnızir gavgavim ikia egha zuamıram amırvazir puvatizibar mın iki. Egh bizir God fomıra uan boribar anıngasa akam akıriziba, ia da iniam.

E nighnızir gavgavim Godın akar dıkırızımın iti

13 God fomıra akar dıkırızim Abraham danıngasa, a fo, gumazitam ekevegha a gafirazir puvati, egha a uabi uan ziam dibora ghaze, bar guizbangıra.

14 Egha ghaze, “Kı guizbangıra ni mıgei, kı deragh ni damuva, egh nın ovavir boribar amighti me bar avirasemegham.”

15 Abraham a mızua zuamıram amırvazir puvati, ezi God, gın bizir an akar dıkırızımın mırara Abraham danıngasa mıkemeziba, a ganıngi.

16 Gumazim gavgavim uan akam danıngisi, a gumazir a gafirazımın ziam dibora ghaze, bar guizbangıra. A kamaghın damighti, gumazitam anedueghan kogham.

17 God fomıra, gumazamiziba uan akar dıkırızim me ganıngizi, me fo, me gın an akam akırızir biziba iniam. Dughiar kam a deraghvıra kamaghın men akaghasa ifongegha ghaze,

6:11: Kl 2:2, Hi 3:6, 3:14 **6:11:** Kolosi 2:2; Hibru 3:6; 3:14 **6:12:** Hi 10:36 **6:13:** Stt 22:16-17 **6:13:** Jenesis 22:16-17 **6:14:** Stt 22:16-17 **6:14:** Jenesis 22:16-17 **6:16:** Kis 22:10-11 **6:16:** Ua Me Ini 22:10-11 **6:17:** Ro 11:29, Hi 11:9 **6:17:** Rom 11:29; Hibru 11:9

nighnizir kam uam an otevkínighan kogham. Kamaghín amizi, a gavgavim uan akar dikirizim ganíga uan ziam dibora ghaze, bar guizbangíra.

¹⁸ Egha datiríghín akar pumuning iti, kar Godín akar dikirizim, ko Godín arazir uan ziam diborim, aning otevkínighan kogham. God uabí ifarir puvati. Kamaghín amizi, e gumazamizir ara ghua Godín boroghín mongeziba, e Godín akar dikirizim giníghnigh egh e uan naviba gavgavim dar aning, egh bizir aghuir e fogha iniamiba mizuamvíra ikiam.

¹⁹ Egha e bizir aghuir e fogha iniamiba bagha mizuair arazir kam, a en akuragha en ikirímirimín suiragha gavgavim e ganídi, mati angka kurimín suirazí a gavgavigha danganir vamíran iti. E Iesus mizuaima, an aven ghua inir ekiar me Godín Dipenimín gurazimín girakírangín Bar Anogoroghezir Danganimín oto.

²⁰ Iesusra e bagha faraghavíra aven ghugha Ofa Gamir Gumazibar Dapanimín oto. Egha a Melkisedeghín mín Ofa Gamir Gumazimín oto,

6:18: Nam 23:19, 1 Sml 15:29, Hi 12:1 **6:18:** Diboboniba 23:19; 1 Samuel 15:29 **6:19:** Wkp 16:2-3, 16:12, 16:15, Hi 9:7 **6:19:** Ofa Gami 16:2-3; 16:12; 16:15; Hibru 9:7 **6:20:** Wkp 16:2-3, 16:12-15, Sng 110:4, Hi 3:1, 5:6, 5:10, 7:17, 8:1, 9:24 **6:20:** Ofa Gami 16:2-3; 16:12-15; Onger Akaba 110:4; Hibru 3:1; 5:6; 5:10; 7:17; 8:1; 9:24

egh a zurara ikivira ikiam.†

7

Melkisedek a ziar bar ekiam iti

¹ Ia fo, Melkisedeghin kam, a Salemin nguibamin atrivim, egha a Godin Bar Pin Itimin ofa gamir gumazim. Ezi dughiar mam Abraham atrivir 4pla misogha me abini. Egha a uamategha izima, Melkisedek tuavimin a batogha a bagha God ko migia ghaze, God bizir aghuiba a bagh dar amuam.

² Ezi Abraham bizir a midorozimin iniziba, a bar a da tuirazi, da 10plan pozibar otifi, ezi a pozir mam isa Melkisedek ganingi. (Ia nighnigh, Melkisedeghin ziamin mingarim a kamakin, Arazir Aghuibar Atrivim. Egha a uaghan Salemin atrivim, ezi an ziar kam in mingarim kamakin, Navir Amirizimin Atrivim.)

³ Ezi Godin Akinafarimin aven, me Melkisedeghin ameboghfeziabar ziaba osirizir puvati, egha an ovavitamin ziam osirizir puvati. Egha uaghan amebam a batezir dughiam ko an ovever dughiam me da osirizir puvati. A Godin

† **6:20:** Azeniba bar aruer vamiran dughiar vamiran Israelian ofa gamir gumazibar dapanim ingangarir ekiam mam iti. An asizibar ghuzim inigh, egh arazir kuraba gin amangisi Godin Purirpenimin Bar Anogoroghezir Danganimin aven mangam. Danganir kam, God uabi an aven iti. Ni Ofa Gamir Akinafarim sapta 16, ko Hibrun Akinafarim 9:1-7in gan. E fo, datirighin Iesus guizin Ofa Gamir Gumazibar Dapanim oto. Egha Godin Dipenir an Nguibamin itimin a gumamazibar arazir kuraba a givasa ingangarim gami. Ni Hibru 4:14 ko 8:2in gan. **7:1:** Genesis 14:17-20 **7:3:** Sng 110:4 **7:3:** Onger Akaba 110:4

Otarimîn mîn ikia Ofa Gamir Gumazimîn ikia mamaghîra iti.*

⁴ Ia Melkisedeghin kam ginighnigh, a ziar bar ekiam iti! En inazir afeziar faragha zuim Abraham bizir a midorozimîn iniziba, a bar a da tuirazi, da 10plan pozibar otifi, ezi a pozir mam isa Melkisedek ganingi.

⁵ E fo, Livain ovaviba me Godin ofa gamir gumazibar otifi. Ezi Moses Osirizir Araziba ghaze, Israelian gumaziba, me uan biziba 10plan pozibar da tuiraghti, Livain gumaziba me da pozitam iniam. Livaiba me uaghan Israelian marasi. Egha me uaghan Abrahamin ovaviba. Ezi Israelia uan biziba tuiragha maba isa uan marazigh aningizi me da ini.

⁶ Melkisedek a Livain adarazir ovavimîn otozir puvati. Ezi Abraham uan biziba tuirazi, da 10plan pozibar otozi, Melkisedek a da pozir mam ini. Egha Melkisedek, bagha God ko migia ghaze, God bizir aghuiba a bagh dar amuam. Gumazir kam Abraham, a Godin akar dikirizim ini.

⁷ E kamaghin fo, gumazim God ko migia ghaze, God bizir aghuiba gumazir igharazim damuam, a gumazir bar ekiam. Ezi bizir aghuiba iniamin gumazim, an an apengan iti.

* **7:3:** Melkisedek ameboghfeziaba puvatizir akamin mingarim kamakin, Godin Akinafarimîn an ameboghfeziabar migirigiatam itir puvati. Ezi an amebam a batezir dughiam ko an aremezir dughiam, Godin Akinafarimîn aven migirigiatam itir puvati. Kamaghin amizi, gumazir Hibrun Akinafarim osirizim ghaze, Iesus ofa gamir gumazimîn ikia zurara mamaghîra iti, ezi Melkisedek purama an ababanim gami. **7:4:** Stt 14:20 **7:4:** Jenesis 14:20 **7:5:** Nam 18:21 **7:5:** Diboboniba 18:21

⁸ Ezi Livaiba me Israelian 10plan pozibar arizir bizibar akuar maba isi, kar gumazir ovengamiba. Ezi Melkisedekra, gumazir Abrahamin bizir akuaba inizim, Godin Akinafarim ghaze, an ovever akatam itir puvati, a ikivira ikiam.

⁹ E kamaghin mikim suam, Livai uabi, gumazir Israelian 10plan pozibar arighizir bizir akuaba inizim, a uaghan Abrahamin ovavimin ikia, egha a tuavir kamın uan bizir akuaba isa Melkisedek ganingi.

¹⁰ Guizbangira, Livai tighar otivamin dughiamin, a uan ovavim Abrahamin mikarzimın aven iti. Ezi Melkisedek tuavimin Abraham batozi Abraham bizir kaba isa Melkisedek ganingi. Kamaghira e mikim suam, Livai uaghan uan biziba isa Melkisedek ganingi.

Ofa Gamir Gumazibar Dapanir igiam, a fomira itir Godin ofa gamir gumazibagh afira

¹¹ Fomira Israelian gumazamiziba, Moses Osirizir Araziba ini, ezi arazir kam kamaghin migei, Livain gumaziba Godin ofa gamir ingangarim damu. Eghti Livain gumazibar ofa gamir ingangarim, a gumazamizibar amuti me bar deraghvira ikiti, manmaghsua God ghaze, ofa gamir gumazir igharazim gin otivam? A Melkisedeghin min ikiva, Aronin min ikian kogham.

¹² Eghti Godin ofa gamir gumazibar araziba iragh igharagh otivtima, eghti Moses Osirizir Araziba uaghan iragh igharagh otivam.

¹³ Ezi en Ekiam, gumazir Godin Akinafarim gun mikemezim, an anabar igharazimin gumazim. Ezi

an anabamın adarazir tav dughiatamın Godın ofa gamir ingangarim gamizir puvati.

¹⁴ Ezi e bar fo, en Ekiam a Judan anabamın adarazir aven oto. Ezi Moses ofa gamir gumazibar ingangarim miġia, anabar kamın adarazir kemezir puvati.

¹⁵ Ezi ofa gamir gumazir igharazim otozi e an gari, a Melkisedeghin miraram oto. Egh e kamaghın deraghvira fogham, a Livain ofa gamir gumaziba bar me gafira.

¹⁶ Gumazir kam ofa gamir gumazimın oto, me nguazir kamın arazibar ġin ghua an anabam ġinighniġha ingangarir kam a ganingizir pu. Puvati. An ikirimirir aghuimın gavgavim zurara ikiti bizitam a gasiġhasiġghan kogham. Gavgavir kam a gamizima a ofa gamir gumazimın oto.

¹⁷ E fo, Godın Akinafarim kamaghın miġia ghaze:

“Ni ofa gamir gumazimın iki mamaghira ikiam.

Ni Melkisedeghin mın ofa gamir gumazimın ikiam.”

¹⁸⁻¹⁹ Kamaghın e fo, arazir ghurir kam, gavgaviba puvatigha egha a deragha en akurvazir puvati. Egha a bizitam gamima a derazir puvati. Kamaghın amizi, God anegifa. Egha God datirighın tuavir bar aghuir mam kui. Tuavir kamra kara, e bizir aghuir e fogha iniamiba bagha mizuai.

7:14: Stt 49:10, Ais 11:1, Mt 2:6, MAA 5:5
Aisaia 11:1; Matyu 2:6; Akar Mogomem 5:5
5:6 **7:17:** Onger Akaba 110:4; Hibru 5:6
Galesia 2:16; 4:9; Efesus 2:18; Hibru 9:9

7:14: Jenesis 49:10;
7:17: Sng 110:4, Hi
7:18-19: Rom 8:3;

Ezi tuavir kam Moses Osirizir Arazibagh afira. E tuavir kamın mangi Godın boroghıra mangam.

²⁰ Ezi uaghan, dughiar God gumazir kam amisevezi an ofa gamir gumazimın otozim, a pura anemisevezir puvati. A uabi uan ziam dibora ghaze, bar guizbangıra, egha anemisefe. Ezi me ofa gamir gumazir igharaziba amısıvasa, gumazitam uan akam gavgavim ganıga Godın ziam diborozir puvati.

²¹ God uabi guizbangıra mikemezi, tuavir kamın Iesus ofa gamir gumazimın oto. God kamaghın mikeme:

“Ekiam bar guizbangıra mikemegha
akar dikirizim gamua ghaze,
'Ni ofa gamir gumazimın iki
mamaghıra ikiam,'
egh uan nıghnızim giraghan kogham.”

²² Godın akar dikirizir kam kamaghın en akazi e fo, Iesus Akar Dikirizir Gavgavir kam deragh an ganıva a damighti, a guizbangıram otogham. E fo, Akar Dikirizir Gavgavir kam a bar deragha, Akar Dikirizir Gavgavir Ghurim gafıra.

²³ Fomıra, gumazir avırım Godın ofa gamir gumazibar otifi. Egha me ariaghıra, egha uan ingangarım gamir puvati. Bizir kam bagha, gumazir avırıba ofa gamir gumazibar otifi.

²⁴ Ezi Iesus angamıra ikia mamaghıra ikiavıra iti. Kamaghın a Godın ofa gamir ingangarım

7:21: Sng 110:4, Hi 5:6 **7:21:** Onger Akaba 110:4; Hibru 5:6

7:22: Hi 8:6, 12:24 **7:22:** Hibru 8:6; 12:24

gamua mamaghira ikiavira iti. Eghti tav an min ofa gamir gumazimin otoghan kogham.

²⁵ An angamira ikia mamaghira ikia egha gumazamiziba bagha Godin azangsi. An ingan-garimin tuavimin a me inigha Godin boroghira zui. Kamaghin, datirighin ko zurara, a men akurvagh.

²⁶ Guizbangira, Ofa Gamir Gumazibar Dapanir kam e bagha ingara bar deravira en akurvasi. A God ifongezir arazibara, dar gin zui. Egha arazir kuratam an itir puvati. A Godin damazimin bar zue. Ezi God a isa uan Nguibam bar pin aneti, ezi an arazir kurabagh amir gumazamizibar saghon iti.

²⁷ Fomira ofa gamir gumazibar dapanir igharaziba, me dughiabar zurara ofabagh ami. Me faragha uan arazir kuraba gin amangasa ofabagh ami. Egha gin me gumazamizibar arazir kuraba gin amangasa ofabagh ami. Ezi Iesus kamaghin amir pu. Bar puvati. A dughiar bar vamiran, e bagha uan mikarzim isa ofan min God ganigha egha aremegha gifa.

²⁸ E fo, me Moses Osirizir Arazibar gin ghua, gumazir gavgaviba puvatiziba amisevima me ofa gamir gumazibar dapanibar otifi. Ezi God akar dikirizim gamua uan ziam dibora ghaze, bar guizbangira, egha uan Otirim amisefe. Akar dikirizir kam, a Moses Osirizir Arazibar

7:25: Ro 8:34, 1 Ti 2:5, Hi 9:24, 1 Jo 2:1 **7:25:** Rom 8:34; 1 Timoti 2:5; Hibru 9:24; 1 Jon 2:1 **7:26:** Ef 1:20, Hi 3:1, 4:15, 8:1 **7:26:** Efesus 1:20; Hibru 3:1; 4:15; 8:1 **7:27:** Wkp 9:7, Ro 6:10, Hi 5:3, 9:12 **7:27:** Ofa Gami 9:7; Rom 6:10; Hibru 5:3; 9:12 **7:28:** Hi 2:10, 5:1-2, 5:9 **7:28:** Hibru 5:1-2; 5:9

dughiamin gin otogha dagh afira. Ezi Ofa Gamir Gumazibar Dapanir kam, a gumazir bar aghuim. Egha an en akurvaghamin gumazir bar faraghavira zuimin oto. Egh a iki mamaghira ikiam.

8

Jesus, en Ofa Gamir Gumazibar Dapanim, a Godin Nguibamin iti

¹ Ezi migirigiar e amizir kam, an mingarim kamakin, e Ofa Gamir Gumazibar Dapanir mam iti, a Godin Nguibamin ikia Godin atrivir dabirabimin agharir guvim gaperaghav iti.

² Egha an Anogoroghezir Danganimin ikia Ofa Gamir Gumazibar Dapanimin ingangarim gami, danganir kam a guizbangira Godin Purirpenim, dipenir gumaziba ingarizir puvatizim, Ekiam uabi an ingari.

³ E fo, ofa gamir gumazibar dapaniba bar, me asiziba ko biziba isi ofa damuasa me amisefe. Kamaghin amizi, en Ofa Gamir Gumazibar Dapanir kam, a uaghan bizitam isi ofan min God daningam.

⁴ Nguazir kamın ofa gamir gumaziba, me Moses Osirizir Arazibar gin ghua biziba isava ofan min God ganidi. Kamaghin amizi, Jesus ti nguazimin ikiai, an ofa gamir gumazimin ikian koghai. Ezi puvatı, a Godin Nguibamin iti.

8:1: Sng 110:1, Ef 1:20, Kl 3:1, Hi 1:3, 3:1, 10:12, 12:2 **8:1:** Onger Akaba 110:1; Efesus 1:20; Kolosi 3:1; Hibru 1:3; 3:1; 10:12; 12:2

8:3: Ef 5:2, Hi 5:1, 9:14 **8:3:** Efesus 5:2; Hibru 5:1; 9:14

⁵ Ezi me nguazimın ikia ofa gamir ingangarim gamima ingangarir kam guizbangıra Godın Nguibamın itir ingangarimın nedazim ko ababanım gami. Arazir kam uaghan Moses bato. A Godın Purirpenimın ingarasava amima, God kamaghın a miğei, “Ni Purirpenimın ingarsi, ni miğhsiamın ikia ganizir ababanımra, an gın mangı deragh an ingar.”

⁶ Ezi İesus ofa gamir ingangarim inizıma, an ingangarım nguazimın itir ofa gamir gumazıbar ingangarıbagh afıra. God, Akar Dikirizir Gavgavir faragha zuım, İsraelia ganıgha akar mabar kırı. Egha gın Akar Dikirizir Gavgavir ıgharazım gamua egha akar bar aghuıbar kırı, ezi akar dikirizir kam, Akar Dikirizir Gavgavir faragha zuım bar a gafıra. Kamaghın amızı, İesus God ko gumazamizıbar abuir gumazımın ikiava Akar Dikirizir Gavgavir İgıam gavgavım a ganıngı. Ezi an Akar Dikirizir Gavgavir Ghurım gafıra.

Akar Dikirizir Gavgavir İgıam, Akar Dikirizir Gavgavir Ghurım bar a gafıra

⁷ Ezi Akar Dikirizir Gavgavir faragha zuım, a ti derazi God Akar Dikirizir Gavgavir İgıam gamıghan koghai.

⁸ Egha God uan gumazamizıbar arazir kuraba aghurıgha kamaghın miğei:

“Ki ıan Ekıam,

8:5: Kis 25:40, Nam 8:4, Ap 7:44, Kl 2:17, Hi 9:23 **8:5:** Ua Me Ini 25:40; Dıbobonıba 8:4; Aposel 7:44; Kolosi 2:17; Hibru 9:23 **8:6:** 2 Ko 3:6-9, Hi 7:22, 9:15 **8:6:** 2 Korin 3:6-9; Hibru 7:22; 9:15 **8:7:** Hi 7:11, 7:18 **8:7:** Hibru 7:11; 7:18 **8:8:** Jeremaia 31:31-34

egha ki kamaghin ia migei.
 Dughiam a iziti,
 ki Israelia ko Judaba, me ko Akar Dikirizir
 Gavgavir Igham damuam.
⁹ Eghti Akar Dikirizir Gavgavir Igham,
 ki fomira men ovavir afeziaba ko amizir Akar
 Dikirizir Gavgavim,
 an an min mangan kogham.
 Fomira itir dughiam,
 ki uan dafarimin men suigha me inigha Isipin
 kantri ategha azenan ize,
 egha ki men pamin min itima
 me nan amuimin min iti.
 Egha me Akar Dikirizir Gavgavir Ghurir kam
 abiki.
¹⁰ Ki ian Ekiam, egha ki kamaghin ia migei,
 gin izamin dughiam otoghti,
 ki Israel ko Akar Dikirizir Gavgavim
 damighti,
 eghti a kamaghin mangam:
 Ki uan araziba men nighnizibar arigh,
 egh da isi men navir averiabar da osiram.
 Egh ki men Godin ikitima
 me nan gumazamizibar ikiam.
¹¹ Dughiar kamın gumazamiziba vaghvagh uan
 namakaba ko uan adarazir sure damuan
 kogh suam,
 ‘Ia Ekiam gifogh.’
 Puvati.
 Me bar moghira na gifogham,

gumazamizir kıniba ko ziaba itir gumazamiz-
iba.

¹² Eghti ki men apangkuvigh
men arazir kuraba gin amangıva,
egh ua dagh nighnighan kogham.”

¹³ Akar Dikirizir Gavgavir Igiar kam, God an
gun miġia egha maghıra Akar Dikirizir Gavgavir
faragha zuim gamizıma a ghurigha bar ġıfa. E fo,
bizitam ghurighıva a bar dughiar otevimın ikegh
bar ġıvaghıam.

9

*Ofa gamir gumazıbar dapanıba fomıra asızıbar
ghuzıbar ofabagh ami*

¹ E fo, God Akar Dikirizir Gavgavir faragha itim,
Israelia ganıga Godın zıam fer arazıba sara me
ganıngi. Egha ghaze, me Godın Dipenir gumazıba
ıngarızımın aven an zıam fam.

² Me Godın Purirpenir mamın ıngarızı danganir
pumuning an iti. Purirpenir kamın aven itir
danganir me faragha aven mangamim, a lamın
aghorim ko bret itir dakozir Godın damazımın
itimın iti. Danganir kam me kamagh a dıbori,
“Anogoroghezir Danganım.”

³ Egha me inir bar ekıam, birımın mın
Anogoroghezir Danganımın ġırakırangın
anegura. Ezı inir kamın ġırakırangın danganir

8:12: Ro 11:27, Hi 10:17 **8:12:** Rom 11:27; Hibru 10:17 **9:1:**
Kis 26:1-30 **9:1:** Ua Me Ini 26:1-30 **9:2:** Kis 25:23-40, 26:1-30
9:2: Ua Me Ini 25:23-40; 26:1-30 **9:3:** Kis 26:31-33 **9:3:** Ua
Me Ini 26:31-33

igharazir mam uaghan iti, me kamagh a dıbori, “Bar Anogoroghezir Danganim.”

⁴ Ezi danganir kamın aven bizir kaba iti: Pauran mughuriar aghuim tuamin ofa gamir dakozim, me gol an pogha a noke, ko Godın Akar Dikirizir Gavgavımın Boksiam. Boksıar kam me gol an poghava a noke. Egha Boksiamın aven me golin mınner manan daghem itim a gati. Egha me Aron fomıra suirazir asadivir aghorim a gati, asadivir aghorir kam ghuziba an oto. Egha me Dagiıar Godın Akar Dikirizir Gavgavımın Osızirim itimning, me uaghan aning Boksıar kam gati.*

⁵ Ezi Boksıar kamın asuam, a danganir gumazamizıbar arazir kuraba gın amadim. Ezi enselin mın garir bizimning Boksiam gısın ikia, egha aningın avızıba an asuam avara. Bizir kamning Godın danganimın ababanım gamua ghaze, God gumazamizıba ko iti. Ezi datırighın ki bizir kabar mınğarıba bar dar gun mikemeghan kogham.

⁶ Me kamagh bizıbar ingarigha egha dughibar ofa gamir gumazıba Godın Purırpenımın azenan itir danganimın aven ghua uan inganğarıbagh ami.

⁷ Ezi ofa gamir gumazıbar dapanım uabıra Bar Anogoroghezir Danganımın aven zui. Azenıba

9:4: Kis 16:33, 25:10-16, 30:1-6, Nam 17:8-10, Lo 10:3-5 **9:4:** Ua Me Ini 16:33; 25:10-16; 30:1-6; Dıbobonıba 17:8-10; Godın Arazıba 10:3-5 * **9:4:** Daghem mana, kar God fomıra Israelian gumazamizir nguazir kınımın aruızıbagh anıngızir daghem. Nı Ua Me Ini sapta 16 ko Onger Akaba sapta 78:24ın gan. **9:5:** Kis 25:18
9:5: Ua Me Ini 25:17-18 **9:6:** Nam 18:2-6 **9:6:** Dıbobonıba 18:2-6 **9:7:** Kis 30:10, Wkp 16:2-34, Hi 5:3, 7:27 **9:7:** Ua Me Ini 30:10; Ofa Gami 16:2-34; Hibru 5:3; 7:27

vaghvaghera, a dughiar vamiran aven zui. Egha a purama aven zuir puvati. An asizibar ghuziba inigha aven zui. Egha ghuzir kamın a uan arazir kuraba gın amangasa ofa gamua, egha gumazimizir deragha nighnızir puvatızibar arazir kuraba, da gın amangasa ofabagh ami.

⁸ Ezi Godın Duam arazir kamın bizir mam en aka, Godın Purirpenimın azenan itir danganım ikiavıra itima, ezi tuavir e Bar Anogoroghezir Danganımın aven mangamım an en piri.†

⁹ Godın Purirpenimın eghaghanir kam, a bizir datırighın e bativamıbar ababanım gami. Purirpenir kamın aven, me asıziba ko bizir guar bar avırir aghuiba ofabar mın God ganıga egha an ziam fe. Ezi bizir kaba bar gumazir Godın ziam febar navir averiatam akırighan kogham, eghti me kamaghın fogh suam, me arazir kuraba pu. Bar puvati.

¹⁰ Bizir Godın ofa gamir kaba, da dagheba apir arazim ko dipaba apir arazim ko arazir avırir gumazibar amuti me zueghamin arazimra. Da inivafızimın bizibara. God ofa gamir arazir kaba gumazibagh anıngizi, me dar gın zui, eghti God gın bar moghıra bizibar kırighi bizir igiaba otivam.

Krais uabi uan ghuzim isava ofa gami

¹¹ Ezi datırighın Krais otogha gıfa, egha bizir

9:8: Jo 14:6, Hi 10:19-20 **9:8:** Jon 14:6; Hibru 10:19-20 † **9:8:** Grighın akam deragha akar kaba abigha dar gun mikemezir puvati. **9:9:** Ga 3:21, Hi 7:18-19, 10:1-2 **9:9:** Hibru 7:18-19; 10:1-2
9:10: Wkp 11:2, 11:25, 15:18, Nam 19:7, 19:11-13, Ef 2:15, Kl 2:16, 2:20, Hi 7:16 **9:10:** Ofa Gami 11:2; 11:25; 15:18; Diboboniba 19:7; 19:11-13; Efesus 2:15; Kolosi 2:16; 2:20 **9:11:** Hi 3:1, 8:2, 10:1
9:11: Hibru 3:1; 8:2; 10:1

aghuir otivigha givazibar Ofa Gamir Gumazibar Dapanim'in iti. A Purirpenir aghuir kam'in aven ghua e bagha ingari. Purirpenir kam Purirpenir faragha ikezim bar a gafira. Gumazitam dipenir kam uan dafarimning'in an ingarizir puvati. Bar guizbangira kar nguazir kam'in bizim puvati.

¹² Ezi Krai bulmakaun apurim ko memen ghuzitam inigha egha Bar Anogoroghezir Danganim'in aven ghuzir pu. Puvati. A uabi uan ghuzim isa ofa gamigha dughiar vamiran danganir kam'in aven ghu. Egha en akurazi, e ikirimirir aghuarir zurara itim ini.

¹³ E fo, gumazamiziba Godin damazim'in mizeghti, ofa gamir gumaziba memen ghuzim ko bulmakaun apurim'in ghuzim ko bulmakaun nguzir aborozir bar isizim'in sirim inigh, gumazamizibagh isin a kavkinam. Me kamagh'in damighti, arazir kam Godin damazim'in mizezir araziba batueghti gumazamiziba ua zuegham.

¹⁴ Ezi Kraisin ghuzim asizibar ghuzim bar a gafira! Krai arazir kuratam'in osimtizitam an itir pu. Bar puvati. Godin Duar zurara itim'in gavgavim'in, a ofan min uabi isa God ganingi. Kamagh'in amizi, an ghuzim en inivafizibarama amizi da zuezir pu. Puvati. A en navir averiam'in aven itir arazir kuraba agivazi, e kamagh'in fo,

9:12: Dan 9:24, Hi 9:26, 10:4, 1 Pi 1:19 **9:12:** Hibru 9:26; 10:4; 1 Pita 1:19 **9:13:** Wkp 16:3, 16:14-16, Nam 19:9, 19:17-19, Hi 10:4

9:13: Ofa Gami 16:3; 16:14-16; Diboboniba 19:9; 19:17-19; Hibru 10:4 **9:14:** Ro 6:13, 6:22, Ef 5:2, Ta 2:14, Hi 6:1, 1 Pi 1:18-19, 1 Jo 1:7 **9:14:** Rom 6:13; 6:22; Efesus 5:2; Taitus 2:14; Hibru 6:1; 1 Pita 1:18-19; 1 Jon 1:7

e Godin damazimın bar zuegha iti. Kamaghın amizi, e ua arazir ghurir angamıra itir puvatızir kabar gın mangan kogham, egh e Godin zurara angamıra itimın ingangarim damuam.

Kraisın ghuzim, Akar Dikirızir Gavgavir Igiar gavgavim a ganıngi

¹⁵ Kraisın ghuzim e gamizima e Godin damazimın bar zue. Egha an aremegha gumazamizibagh ivezegha men arazir kurar me Akar Dikirızir Gavgavir faragha ikezimın dughiamın amiziba, da gın amada. Kamaghın, Iesus Akar Dikirızir Gavgavir Igiar kam gavgavim a ganıga egha an abuir gumazimın iti. Kamaghın amizi, gumazamizir Godin dımdiam baregha an gın zuiba, me God fomıra uan boribar anıngasa mikemezir ikirimirir kam iniam. God kamaghın akam akıra ghaze, me zurazurara ikivıra ikiam.

¹⁶ Gumazim nıghnıgh suam, a gın aremegham, egh suam gumazir manam an biziba iniam, egh an akınafarim osirigham. Kar mati an Akar Dikirızir Gavgavim. Eghti borim Akar Dikirızir Gavgavir kamın gın mangi, egh afeziam a gin-abazir biziba iniam. Eghti gumaziba deragh fogh suam, afeziam aremegha gıfa, egh me biziba bar an borimın tegham.

¹⁷ E fo, gumazir akam akirızir kam angamıra ikivıra ikiti, an Akar Dikirızir Gavgavim pura iki

9:15: Ro 5:6, 1 Ti 2:5, Hi 3:1, 7:22, 8:6, 1 Pi 3:18 **9:15:** Rom 5:6; 1 Timoti 2:5; Hibru 3:1; 7:22; 8:6; 1 Pita 3:18 **9:17:** Ga 3:15 **9:17:** Galesia 3:15

ingangariba puvatigham. Eghti gumazir kam aremegham, eghti Akar Dikirizir Gavgavir kam gavgavim iki daghem otogham.

¹⁸ Ezi kamaghira, me asizim misoghezi an aremezi, me an ghuzim inge, egha tuavir kamra Akar Dikirizir Gavgavir faragha ikezim gamizima, a gavgafi.

¹⁹ Dughiar kamin, Moses faragha Godin Akar Gavgaviba, bar dar gun gumazamizibav keme. Akar kaba, da Moses Osirizir Arazibar aven iti. Egha a gin bulmakaun apuribar ghuzim ko memebbar ghuzim inigha dipam sara da vere. Egha a, isopin temer agharir me benir aghevimin ikezim, benir kam me sipsipin arizibar an ingari, Moses a inigha ghuzim gati. Egha an anesigha temer agharir kamin ghuzir muziarim inigha Akar Gavgavimin itir Akinafarim ko gumazamiziba bar me gisin a kavamadi.

²⁰ Egha a kamaghin migei, “Kar ghuzir Akar Dikirizir Gavgavir kam gavgavim a daningamim. God Akar Gavgavim ia ganiga ghaze, ia Akar Dikirizir Gavgavir kamin gin mangi.”

²¹ Kamaghira Moses ghuzir muziarim inigha Godin Purirpenim ko Godin ziam fer bizibagh isin a kavamadi.

²² Guizbangira, e ti kamagh mikim suam, Moses Osirizir Araziba ghaze, ghuzimra bizibar amighti,

9:18: Kis 24:6 **9:18:** Ua Me Ini 24:6 **9:19:** Kis 24:3-8, Wkp 14:4-7, 16:14-15 **9:19:** Ua Me Ini 24:3-8; Ofa Gami 14:4-7; 16:14-15
9:19: Ua Me Ini 24:6-8 **9:20:** Kis 24:8, Mt 26:28 **9:20:** Ua Me Ini 24:8; Matyu 26:28 **9:21:** Kis 29:12, 29:36, Wkp 8:15, 8:19 **9:21:** Ua Me Ini 29:12; 29:36; Ofa Gami 8:15; 8:19 **9:22:** Wkp 17:11, Ef 1:7 **9:22:** Ofa Gami 17:11; Efesus 1:7

da Godin damazimin bar zuegham. Eghti me bizitam misuegh an ghuzim inigh a ingeghan koghti, God gumamazibar arazir kuraba gin amadaghan kogham.

Krais arazir kuraba gin amangasa, uabira uabin ofa gami

²³ Ezi bizir Godin Purirpenimin itir kaba, da pura Godin Nguibamin itir bizibar ababaniba. Ezi me asizir ghuziba isa a dagh amima da zuegha Godin damazimin zue. Eghti Godin Nguibamin itir bizibar amighti da guizin zueghsi, ofan bar aghuim iki, asizibar ofabagh afiragham.

²⁴ E fo, Krais gumaziba uan dafaribar ingarizir Anogoroghezir Danganimin aven ghuzir pu, danganir kam, a pura guizin Godin Dipenimin abanim. Puvati. A guizbangira Godin Nguibamin aven ghu. Egha datirighin an e bagha God ko mikimasa, Godin damazimin tughav ikia en akurvasi.

²⁵ E fo, azeniba bar, Ofa Gamir Gumazibar Dapanim asizibar ghuziba isa egha Bar Anogoroghezir Danganimin aven zui. Ezi Iesus kamagh amizir puvati, a Godin Nguibamin ghugha ofan min uabi uabi isa God ganingi. Egha a dughiar aviribar a gamizir puvati.

²⁶ A dughiar aviribar kamaghin damuvira iki, egh a dughiar aviribar mizaziba ini mamaghira ikiam, dughiar God nguazir kam in ingarizimin

9:23: Hi 8:5, 10:1 **9:23:** Hibru 8:5; 10:1 **9:24:** Ro 8:34, Hi 6:20, 8:2, 1 Jo 2:1 **9:24:** Rom 8:34; Hibru 6:20; 8:2; 1 Jon 2:1 **9:26:** 1 Ko 10:11, Ga 4:4, Hi 7:27, 9:12, 1 Pi 3:18 **9:26:** 1 Korin 10:11; Galesia 4:4; Hibru 7:27; 9:12; 1 Pita 3:18

ikegha iza datirikin. Ezi puvati. Datirighin dughiar abuananamın Kraıs dughiar bar vamıran nguazımın ize, egha gumazamizibar arazir kuraba gın amangasa ofan mın uabıra uabi isa God ganıngi.

²⁷ Gumaziba bar dughiar vamıran ovegh egh gın Godın kotiamın otivam.

²⁸ Kamaghıra, Kraıs gumazir avırıbar arazir kurabar osımtızıba aterasa, dughiar vamıran ofan mın uabi isa God ganıgha areme. Egh gın a dughiar namba 2ın ua izam, egh dughiar kamın an arazir kuraba gın amangısı izan kogham. Puvati. A gumazir a mızua itıba guızbangıra men akurvagh me iniam.

10

Ofan me fomıra amıba, da arazir kuraba gın amadırvatı

¹ Moses Osirizir Arazıbar aven, e pura guızın bizir gın otivamıbar ababanıba ko nedazıbar gari. Ezi a guızbangın deravıra bizir kabar en akazir puvati. Moses Osirizir Arazıba ghaze, me ofan kamaghın garıbara, zurara azenıba bar dar amu. Kamaghın amızı, e fo, gumazamızir Godın boroghın zuıba, Moses Osirizir Arazıbar gın mangı ofan

9:27: Stt 3:19, Sav 3:20, Aıs 53:12, 2 Ko 5:10, Fl 3:20, 2 Ti 4:8, Hi 10:10, 1 Pi 2:24, MAA 20:12-13 **9:27:** Jenesıs 3:19; Fofozir Gumazım 3:20; Aısaia 53:12; 2 Korın 5:10; Filipai 3:20; 2 Timoti 4:8; Akar Mogomem 20:12-13 **9:28:** Aıs 53:12, Ro 6:10, Ta 2:13, 1 Pi 2:24, 2 Pi 3:12, 1 Jo 3:5 **9:28:** Aısaia 53:12; Rom 6:10; Taitus 2:13; 1 Pita 2:24; 2 Pita 3:12; 1 Jon 3:5 **10:1:** Kl 2:17, Hi 8:5, 9:9-11, 9:23, 10:4 **10:1:** Kolosi 2:17; Hibru 8:5; 9:9-11; 9:23; 10:4

kabar amighti, ofan kaba me akirighti, me der-aghviram otoghan kogham. Puvati.

² Ezi ofan kamaghin garim gumazamizibagh amizi me bar zuegha, uam ofabagh amuan koghai. Egha asizibar ofan vamirama, God bagha ingarir gumazibagh amizi me zuegha, uan navir averiabar aven ua kamaghin nighnighan koghai, e arazir kuraba iti.

³ Ezi puvati. Azenibar zurara, asizibar ofan kaba me gamima me ua uan arazir kurabagh nighnisi.

⁴ Bizir kamın mınгарim kamakın: bulmakaun apuriba ko memen ghuziba, da arazir kuraba gin amadaghan kogham. Bar puvati.

⁵ Ezi bizir kam bagha, Kraıs nguazir kamın izasava amir dughiamın a kamaghin God miğia ghaze:

“Ni guizbangira, asizibar ghuziba ko bizir ofan
mın me ni ganidiba,
ni bizir kabagh ifongezir puvatigha
da inian aghua.

Kamaghin ni mikarzir mam na daningasa an ingari.

⁶ Ofan bar isia mighiriba ko,
arazir kuraba gin amadir ofaba,
da ni gamima ni dar agorogem itir puvati.

⁷ Ezi ki kamaghin miğei,
‘God, kira kara.

10:3: Wkp 16:21, Hi 9:7 **10:3:** Ofa Gami 16:21; Hibru 9:7 **10:4:** Mai 6:6-7, Hi 9:13, 10:11 **10:4:** Maika 6:6-7; Hibru 9:13; 10:11
10:5: Ais 1:11, Amo 5:21-22 **10:5:** Aisaia 1:11; Amos 5:21-22
10:5: Onger Akaba 40:6-8

Moses fomira nan gun Akinafarir
righizimın aven osirizi moghin.

Datirighin ki izegha gifa,
egha nin ifongiamin gin mangasava ami.’’

⁸ A faragha ofabav gei, ofan kaba, Moses Osirizir Arazibar amuasa mikeme. A kamaghin migei, “Ni asizibar ghuziba ko, bizir me ofan min ni ganidiba ko, ofan bar isia mighiriba ko, arazir kuraba gin amadir ofaba, ni bar dagh ifongezir puvatigha da inian aghua.”

⁹ Egha a gin kamaghin migei, “God, kira kara. Datirighin ki izegha gifa, egha nin ifongiamin gin mangasava ami.” Kamaghin amizi God ghaze, ofa gamir arazir ghuriba, da gavgaviba puvatigha, gifa. Ezi ofa gamir arazir igiam, an danganim inigha gavgavim ikia ingari.

¹⁰ Krai Iesus a Godin ifongiamin gin ghua, egha dughiar bar vamira uabi uan mikarzim isa ofan min en arazir kuraba bagha God ganingi. Ezi arazir kamın an e gamizi, e Godin damazimin zuegha an gumazamizibar otifi.

Kraisin ofa, a guizbangira arazir kuraba gin amangam

¹¹ Godin ofa gamir gumaziba bar, me zurara tuivava ofabagh ami. Egha me ofan magh gariba, dughiar aviribar dagh ami. Ezi ofan kaba, da arazir kuratam gin amadaghan kogham.

10:10: Jo 17:19, Hi 9:12, 9:28, 13:12 **10:10:** Jon 17:19; Hibru 9:12; 9:28; 13:12 **10:11:** Kis 29:38, Nam 28:3, Hi 7:27, 10:4 **10:11:** Ua Me Ini 29:38; Diboboniba 28:3; Hibru 7:27; 10:4

12 Ezi Kraiz arazir kuraba ġin amangasa uabi uan miġarzim dugħiar vamiran a isa ofan min God ganingi. An ofan kamın gavgavim ikivira iki ingar mangivira ikiam. A kamaghın amigha ġivagha, Godın agharir guvimin amadaghan aperaghav ikia mamaghira iti.

13 Egha a, God an apaniba isi an apengan darighamin dugħiam bagha mizua iti.

14 A ofan vamira gamua egha tuavir kamın gumazamizir Godın damazimin zueziba, a me akirizi me bar deraviram oto, egh iki mamaghira ikiam.

15 Ezi Godın Duam uaghan bizir kamın gun e mikeme:

16 “Ekiam kamaghın miġia ghaze,
 ‘Ġin izamin dugħiam otogħti,
 ki Israelia ko Akar Dikirizir Gavgavim
 damighi,
 eghı a kamaghın mangam:
 Ki uan araziba men nighnizibar arigh,
 egh da isi men navir averiabar da osiram.
 Egh ki men Godın ikitima
 me nan gumazamizibar ikiam.’”

17 Egha ġin a ua ghaze:

“Ki men arazir kuraba ġin amadagh
 ua dagh nighnighan kogham.”

10:12: Kl3:1, Hi 1:3 **10:12:** Kolosi 3:1; Hibru 1:3 **10:12:** Onger Akaba 110:1 **10:13:** Ap 2:35, 1 Ko 15:25, Hi 1:3 **10:13:** Aposel 2:35; 1 Korin 15:25 **10:16:** Jer 31:33, Hi 8:10 **10:16:** Jeremaia 31:33; Hibru 8:10 **10:17:** Jer 31:34, Hi 8:12 **10:17:** Jeremaia 31:34; Hibru 8:12

18 E kamaghin ganigha fo, God arazir kuraba gin amadazi, kamaghin uam arazir kuraba gin amangamin ofaba, da ua ingangariba puvati.

E guizbangira nighnizir gavgavim ikiva egh Godin boroghira mangam

19 Kamaghin amizi, nan adarasi, Iesusin ghuzim en arazir kuraba gin amadagha gifa. Egh tuavir kamın e Bar Anogoroghezir Danganımın aven mangi egh atiatingan kogham.

20 Iesus aremegha ua angamıra iti, an e bagha tuavir igiar kam kui, tuavir ikia mamaghıra itim. A tuavir kamın inir ekiar kamın girakirangın ghua danganir kamın aven ghu, inir kam a danganir kamın tiar akamın mın guraghav iti. Ezi inir kam, a mati an mikarzimın ovevemra. Eghti e tuavir kamın danganir kamın aven mangam.*

21 E Ofa Gamir Gumazibar Dapanim iti, ezi a Godin gumazamiziba bar men gara me gatifa.

22 A uan ghuzim isa en navir averiaba dav kinizi an e akirizi, e kamaghin fo, e arazir kuraba

10:19: Ro 5:2, Ef 2:18, 3:12, Hi 4:16, 9:8, 9:12 **10:19:** Rom 5:2; Efesus 2:18; 3:12; Hibru 4:16; 9:8 **10:20:** Mt 27:51, Jo 10:9, 14:6, Hi 9:3, 9:8 **10:20:** Matyu 27:51; Jon 10:9; 14:6; Hibru 9:3;

9:8 * **10:20:** Bar Anogoroghezir Danganir kam, kar God uabi itir danganim. Fomıra ofa gamir gumazibar dapanimra danganir kamın an an aven zui. Ezi datirighin Iesus amizir ingangarımın, e bar moghıra Godin boroghın mangam. Kamaghin amizi, me Iesusin mikarzim abighizi a ter ighuvımın ovengezi, inir ekiar Bar Anogoroghezir Danganımın itiar akam itim tongıra bighiaghiriğha akuar pumuning oto. Ni Mak 15:38in gan. **10:21:** 1 Ti 3:15, Hi 4:14 **10:21:** Hibru 4:14 **10:22:** Wkp 8:30, Ese 36:25, Ef 3:12, 5:26, Hi 9:14, Je 1:6, 1 Jo 3:21 **10:22:** Ofa Gami 8:30; Esekiel 36:25; Efesus 3:12; 5:26; Hibru 9:14; Jems 1:6; 1 Jon 3:21

puvatigha Godin damazimin bar zue. Egha a dipar bar dikiriamin en mikarziba rue. Kamaghin amizi, ifavarir arazir en navir averiabar itiba, e bar ada ateghiva, okam nighnighan kogh nighnizir gavgavim Godin iki, egh an boroghin mangam.

²³ E fo, bizir God ingarasa akam akiriziba, a bar guizbangira dar ingaram. Kamaghin amizi, e uan nighnizir gavgavibar gun migia ghaze, bizir aghuir e fogha iniamiba bagha mizua iti. Egh e uan nighnizir gavgavimin suiragh bar gavgavigham.

²⁴ E vaghvagh Godin gumazamizir igharazibagh nighnighiva, me damuti men naviba dikavti, me igharaz darazigh ifuegh, arazir aghuibar me damuam.

²⁵ Ezi e Godin gumazamiziba, e uari akuvir arazim ataghiraghan kogham, mati gumazamizir maba ami mokin. Kamaghin marki. E fo, Dughiar Ekiam Gumazamiziba Tuisighamim, a roghira izi. Kamaghin amizi, e vaghvagh pamtem ingariva, igharaz darazir akurvagh egh gavgavim me daningam.

E Godin Otarim akirim ragh a gasan kogham

²⁶ Ia oragh. E guizin akam gifogh a inigh, egh gin mikim suam, marki, egh uan ifongiabar gin mangi

10:23: 1 Te 5:24, 2 Te 3:3, Hi 4:14, 11:11 **10:23:** 1 Tesalonika 5:24; 2 Tesalonika 3:3; Hibru 4:14; 11:11 **10:25:** Ro 13:11, Fl 4:5, Hi 3:13, 2 Pi 3:9-11, 3:14 **10:25:** Rom 13:11; Filipai 4:5; Hibru 3:13; 2 Pita 3:9-11; 3:14 **10:26:** Nam 15:30, Hi 6:4-8, 2 Pi 2:20-21
10:26: Diboboniba 15:30; Hibru 6:4-8; 2 Pita 2:20-21

arazir kurabar amuvıra ikiam, eghti kamaghin ua ofa damuamin tuavir igharaziba puvatigham.

²⁷ Ezi bizir e damuamin mam kamaghin iti: E atiatir kuram damuva Godin Kotiamin Dughiam ko, avir bar puvıra isim mizuamam. Avir kam Godin apanibar isi me gasighasigham.

²⁸ E fo, gumazitam Moses Osirizir Arazitam baraghan aghuaghham, eghti gumazir pumuning o pumuning ko mikezim ganigh egh an gun mikemegham, eghti me an apangkuvan marki, me a misueghti an aremegh.

²⁹ Ia manmaghin gumazir akirim ragha Godin Otarim gasarazim ginighnisi? Gumazir kam a bar osimtizir ekiam iniam. Egh an ivezir kuram, gumazir Moses Osirizir Araziba batoghezimin ivezir kuram, bar a gafiragham. Kraisin ghuzim Akar Dikirizir Gavgavir Igiam gamima a gavgafi. Ezi ghuzir kam gumazir kam gamizima a zuegha Godin gumazimin oto. Egha datirighin gumazir kam a Kraisin ghuzim migia ghaze, a pura bizim. Egha a, Godin Duar apangkuvim en itim, an tiragha akaba a gasi.

³⁰ Ezi e fo, God kamaghin mikeme, “Arazir kuraba ikarvaghamin ingangarim, ka nan bizim. Ki uabi men arazir kuraba ikarvagh egh ivezir kuraba me daningam.” Egha ua kamaghin

10:27: Ais 26:11, Hi 12:29 **10:27:** Aisai 26:11; Hibru 12:29

10:28: Lo 17:6, 19:15, Jo 8:17, 2 Ko 13:1 **10:28:** Godin Araziba 17:6; 19:15; Jon 8:17; 2 Korin 13:1 **10:29:** Kis 24:8, 1 Ko 11:29, Ef 4:30, Hi 12:25, 13:20 **10:29:** Ua Me Ini 24:8; 1 Korin 11:29; Efesus 4:30; Hibru 12:25 **10:30:** Lo 32:35-36, Sng 50:4, 135:14, Ro 12:19 **10:30:** Godin Araziba 32:35-36; Onger Akaba 50:4; 135:14; Rom 12:19

migei, “Ekiam uabi uan gumamazibar araziba tuisigham.”

³¹ Kamaghin, Godin ikia mamaghira itim, a tavin suiragh ivezir kuram a daningam, eghti gumazir kam guizbangiram atiatingam.

E nighnizir gavgavimın suiragh gavgavigham

³² Ia dughiar faragha ghuzim uam a ginighnigh, dughiar ia Akar Aghuimın angazangarim inigha nighnizir gavgavimın an itim. Dughiar kamın me osımtızir ekiaba ia garizima, ezi ia mızazir aviriba ini. Egha ia tuivigha gavgavizi osımtızir kaba ia dikabirazir puvati.

³³ Ezi dughiar maba me gumamazibar damazibar ia afima ia tuivav iti, ezi me dibovir akabar ia mığia egha paza ia gami. Egha dughiar mabar osımtızir kamagh gariba aterir gumaziba, ia men puegha me ko iti.

³⁴ Egha dughiar me ian marazi isa kalabus gatızim, ia men kuarkuva deravira me gami. Ezi dughiar me ian biziba suiragha inigha ghuziba, pura men gara bar akuegha iti. Ia kamaghın guizbangira fo, ian bizir ia gin iniamiba Godin Nguibamın ia mızua ikia mamaghira iti.

³⁵ Kamaghın, ia arazir aghuir ia faragha amizibagh nighnigh, uan nighnizir gavgavir kam de-
ragh an suiragh, egh bizir kinimın mın puram a

10:31: Lu 12:5 **10:31:** Luk 12:5 **10:32:** Ga 3:4, Fl 1:29-30, Kl 2:1, Hi 6:4 **10:32:** Galesia 3:4; Filipai 1:29-30; Kolosi 2:1; Hibru 6:4 **10:33:** 1 Ko 4:9, Fl 1:7, 4:14, 1 Te 2:14 **10:33:** 1 Korin 4:9; Filipai 1:7; 4:14; 1 Tesalonika 2:14 **10:34:** Mt 6:20, 19:21, 19:29, Lu 12:38, Ap 5:41, Fl 1:7, Je 1:2 **10:34:** Matyu 6:20; 19:21; 19:29; Luk 12:38; Aposel 5:41; Filipai 1:7; Jems 1:2 **10:35:** Mt 5:12, 10:32
10:35: Matyu 5:12; 10:32

makunan marki. Egh ia kamaghin damuva ivezir aghuir ekiam iniam.

³⁶ Ia Godin ifongiamin gin mangiva, egh bizir aghuir a fomira ia daningasa akam akiriziba, ia da inisi, tuivigh gavgavigh iki.

³⁷ Guizbangira, Godin Akinafarim kamaghin mikeme:

“Dughiar bar ovezimın
gumazir izamim,
a izam.

A bar zuamira izegham.

³⁸ Ezi nan damazimın derazir gumaziba,
me nighnizir gavgavim nan iki,
kamaghin me angamira ikivira ekiam.
Eghti men tav uan nighnizir gavgavim ategh
akirim ragh na gasaraghti,
ki a gakueghan kogham.”

³⁹ Ezi eia, e gumazamizir akirim ragh God gasaragh ovengamiba pu. Bar puvati. E nighnizir gavgavim Godin iki ikirimirir aghuarir zurara itim iniamiba.

E nighnizir gavgavim Godin ikiva tugh gavgavigham

11

(Sapta 11--13)

10:36: Lu 21:19, Ga 6:9, Kl 3:24, Hi 6:12, 9:15, 12:1 **10:36:** Luk 21:19; Galesia 6:9; Kolosi 3:24; Hibru 9:15; 12:1 **10:37:** 2 Pi 3:9
10:37: 2 Pita 3:9 **10:37:** Habakuk 2:3-4 **10:38:** Ro 1:17, Ga 3:11 **10:38:** Rom 1:17; Galesia 3:11 **10:39:** 1 Te 5:9, 2 Te 2:14, 2 Pi 2:20-21 **10:39:** 1 Tesalonika 5:9; 2 Tesalonika 2:14; 2 Pita 2:20-21

Nighnizir gavgavimın mingarim

¹ Nighnizir gavgavimın arazim a kamakin. E guizbangira kamaghın fo, bizir aghuir God e daningasa mikemezi e zuai itiba, e guizbangira da iniam. Egha e bar fo, bizir en damaziba ganizir puvatiziba, da guizbangira gın otivam.

² Gumazir fomira itiba, me nighnizir gavgavim Godın iti, ezi God me gakuegha, gumazir aghuiba me garisi.

³ E nighnizir gavgavim ikia, egha e fo, God uan akamın overiam ko nguazim ingarizi da otifi. Ezi kamaghın, e garir biziba, God bizir e ganighan koghamiba, bar dar ingari.

Abel ko Enok ko Noa, me nighnizir gavgavim Godın iti

⁴ Abel nighnizir gavgavim Godın ikia, egha bizir kam bagha Godın ofa gami. An ofa Godın damazim bar deragha, Keinın ofa gafira. Abel nighnizir gavgavim Godın iti, ezi bizir kam bagha God Abelin bizir aghuir an a ganidim bagha ifonge. Ezi bizir kam kamaghın en aka, God a miġia ghaze, a gumazir aghuim. Abel an aremegha gifa. Ezi an nighnizir gavgavir kam, datirighın an akamın gun e miġiavira iti.

⁵ Ezi Enok uaghan nighnizir gavgavim Godın iti. Ezi bizir kam bagha God a inigha uan Nguibamın

11:1: Ro 8:24-25, 2 Ko 4:18, 5:7 **11:1:** Rom 8:24-25; 2 Korin 4:18; 5:7 **11:3:** Stt 1:1, Sng 33:6, 33:9, Jo 1:3, 2 Pi 3:5 **11:3:** Jenesis 1:1; Onger Akaba 33:6; 33:9; Jon 1:3; 2 Pita 3:5 **11:4:** Stt 4:3-10, Hi 12:24, 1 Jo 3:12 **11:4:** Jenesis 4:3-10; Hibru 12:24; 1 Jon 3:12
11:5: Stt 5:21-24 **11:5:** Jenesis 5:21-24

ghuavanabozi an aremezir puvati. Ezi gumazamiziba a buria, an apizir Puvati, God a inigha ghuavanabo. Godin Akinafarim ghaze, God tighar Enok iniamin dughiamin, an araziba bar Godin damazimin derazi an a bagha bar akonge.

⁶ Ezi gumazir nighnizir gavgavim Godin itir puvatizim, a Godin ifongiamin gin mangan koghti an a bagh bar akongeghan kogham. Guizbangira, gumazir Godin boroghira mangasava amim, a nighnizir gavgavim kamaghin iki, God a iti. Egh a nighnizir gavgavim kamaghin iki, God deravira gumazamizir a buribagh ami.

⁷ Ezi Noa uaghan kamaghira nighnizir gavgavim Godin iti. Ezi God bizir gin otivamibar gun a mikeme. Kar bizir Noa tighar ganamiba. Egha a nighnizir gavgavim Godin akamin ikia, egha bizir kam bagha a kurir mamın ingari. Egha uan amuiroghboriba ko, me kurimin aven ghuezi, bizitam me gasighasizir puvatizi, me deravira iti. Ezi Noan nighnizir gavgavir kam, a nguazimin itir gumazamizir igharaziba bar, men arazir kuraba da aghurigha azenim gati. Noa nighnizir gavgavim Godin itima, God bizir kamın a migia ghaze, a nan damazimin bar gumazir aghuim. Ezi God bar gumazir nighnizir gavgavim an itiba, a bar kamaghira me gami.

Abraham ko Sara nighnizir gavgavim Godin iti

⁸ Ezi uaghan Abraham nighnizir gavgavim Godin iti. Egha bizir kam bagha God an diazir

11:7: Stt 6:13-22, 7:1, Ro 3:22, 4:13, 1 Pi 3:20 **11:7:** Jenesis 6:13-22; 7:1; Rom 3:22; 4:13; 1 Pita 3:20 **11:8:** Stt 12:1-5, Ap 7:2-4

11:8: Jenesis 12:1-5; Aposel 7:2-4

dughiamin, Abraham Godin akamin gin ghua, egha uan nguibam ataki. Egha a nguibar God a daningasa akam akirizimin ghu, kar guizin an nguibamra. Ezi Abraham fozir puvati, a managh mangam. Egha a nighnizir gavgavim ikia egha a zui.

⁹ A nighnizir gavgavim ikia ghua nguazir kamın apera, nguazir God fomira a daningasa akam akirizim. Egha a nguazir kam gaperagha mati nguibar igharazimin gumazim. A Purirpenim gaperaghav iti, moghin Aisak ko Jekop uaghan uan purirpenibagh apiaghav iti, gumazir kamning God nguazir kam ginighnigha egha uaghan akar kam aning bagha anekiri.

¹⁰ Abraham zurara nighnizir gavgavim ikia nguibar ekiar gavgavigha itir kamın ganasa mizua iti. Nguibar ekiar kam, God uabira tuavir an ingaramibagh nighnigha, egha uabi an ingari.*

¹¹ Ezi Sara uaghan nighnizir gavgavim Godin iti. A guizbangin bar ghurigha boritam batan kogham. Egha a nighnizir gavgavim iti. Egha borim batamin gavgavim ini. Sara kamaghin nighnisi, “God na migia ghaze, ‘Ni boritam batam,’ egha akam kiri. Ki fo, God guizbangira mikeme.”

11:9: Stt 12:8, 13:3, 13:18, 18:1, 18:9, 26:3, 35:12, 35:27, Hi 6:17

11:9: Jenesis 12:8; 13:3; 13:18; 18:1; 18:9; 26:3; 35:12; 35:27; Hibru 6:17 **11:10:** Hi 3:4, 13:14, MAA 21:2, 21:10 **11:10:** Hibru 3:4;

13:14; Akar Mogomem 21:2; 21:10 * **11:10:** Nguibar ekiar kam Jerusalem, a Godin Nguibamin iti. Ni Hibru 12:2in gan egh fogh.

11:11: Stt 17:19, 18:11-14, 21:2, Ro 4:21, Hi 10:23 **11:11:** Jenesis 17:19; 18:11-14; 21:2; Rom 4:21; Hibru 10:23

12 Kamaghin, gumazir kam Abraham a ghurigha egha aremeghasava ami, egha an ovavir borir aviribar afeziamin oto. Ezi an ovaviba otiva bar aviraseme, mati overiamin mikoveziba, o ongarimin dadarimin gigiba. Gumazitam da mengiva avegham.

13 Ezi gumazir kaba me nighnizir gavgavim Godin ikia ghua me ovengezir dughiamin tu. Ezi dughiar me nguazimin itim, me bizir aghuir God me daningasa akam akiriziba, da inizir pu. Puvati. Egha me tuivigha, mati bizir men saghuiamin itibar gari, egha bar akuegha dar gari. Egha aghumsizir puvatigha kamaghin migei, "E nguazir kam in ikia, mati kantrin igharazimin gumazamiziba, egha iza dughiar otevimin nguazir kam in iti."

14 E fo, gumazamizir kamaghin migeiba, me guizbangira kamaghin migia ghaze, me uari bagh nguibatam buriam.

15 Egha me nguazir tegha izezir kamra bagha nighnighavira ikia, egha me uam an ghueghai.

16 Egha me uan nguazir ghurim ginighnizir pu. Puvati. Me nguazir igharazir iniasava amim, a bar deragha nguazir me ataghizim bar a gafira. A Godin Nguibamra. God me bagha nguibar kam akirizi a iti, eghti me an ikiam. Egha gumazir kaba kamaghin God migia ghaze, "Ni en God." Ezi,

11:12: Stt 15:5, 22:17, 32:12, Lo 10:22, Ro 4:18-19 **11:12:** Jenesis 15:5; 22:17; 32:12; Godin Araziba 10:22; Rom 4:18-19 **11:13:** Stt 23:4, 1 Sto 29:15, Sng 39:12, 1 Pi 1:17, 2:11 **11:13:** Jenesis 23:4; 1 Eghaghaniba 29:15; Onger Akaba 39:12; 1 Pita 2:11 **11:16:** Kis 3:6, 3:15, Mk 12:26, Ap 7:32, Fl 3:20, Hi 13:14 **11:16:** Ua Me Ini 3:6; 3:15; Mak 12:26; Aposel 7:32; Filipai 3:20; Hibru 13:14

God men akar mikemezir kamın aghumsıghızir puvati.

¹⁷⁻¹⁸ Ezi God kamaghın Abraham ko akam akıra ghaze, “Aisakrama nin ovavir boriba otivam.” Egha dughiar God Abrahamın nıghnızir gavgavim tuisıghamimin, a kamaghın Abraham mıgei, “Ni uan otarir vamıra misueghıva egh ofan mın a isi God daningigh.” Ezi Abraham nıghnızir gavgavim Godın ikia, egha Aisak isa God daningasava ami.

¹⁹ Abraham kamaghın nıghnisi, “Aisak aremeghti, God uam a damighti a ua dikavigham.” Ezi bar guizbangıra, e bizir otozir kam, akar isın zuimin kamaghın a mikımam, Abraham Aisak ua mozimin a inis.

Aisak ko Jekop ko Josep nıghnızir gavgavim Godın iti

²⁰ Kamaghıra Aisak nıghnızir gavgavim Godın ikia egha Jekop ko Iso gınıghnıgha akam akıra ghaze, God gın izamin dughiabar, deravıra gua damuam.

²¹ Ezi kamaghıra Jekop a nıghnızir gavgavim Godın ikia, egha an aremeghasava amir dughamın, a Josepın otarimning mıgıa ghaze, God deravıra gua damu. Egha a uan fidizir zurara suiagha aruim gısın aviragha Godın ziam fe.

²² Ezi kamaghıra Josep nıghnızir gavgavim God ikia, egha dughiar an ovengamimin a kamaghın mıgıa ghaze, Israelia gın kantri Isip ategh

11:17-18: Stt 21:12, 22:1-14, Ro 9:7, Je 2:21-22 **11:17-18:** Jenesis 21:12; 22:1-14; Rom 9:7; Jems 2:21-22 **11:19:** Ro 4:17-21 **11:20:** Stt 27:27-29, 27:39-40 **11:20:** Jenesis 27:27-29; 27:39-40 **11:21:** Stt 47:31-48:20 **11:22:** Stt 50:24-25, Kis 13:19 **11:22:** Jenesis 50:24-25; Ua Me Ini 13:19

mangam. Egha me miġia ghaze, me manmagħin an kuam damuam.

Moses niġnizir gavgavim Godin iti

²³ Ezi Mosesin afeziam ko amebam aning niġnizir gavgavim Godin ikia, egha dugħiar amebam Moses batezimin, aning an garima a borir bar dirim. Aning atrivimin akam batogħan atiatingizir puvati, kamagħin amizi, aning iakinir 3plan a modo.

²⁴ Ezi kamagħira Moses niġnizir gavgavim Godin ikia, egha dugħiar a gumazimin otozimin, me kamagħin a diponan an aghua, Isipin Atrivimin guivimin borim. Puvati.

²⁵ A kamagħin niġnisi, a dugħiar otevimin agorogem baġħ arazir kurabar arazimin ġin man-gan aghua. Egha a Godin gumazamiziba ko, osimtiziba ko mizaziba iniasa ifonge.

²⁶ A ghaze, a Kraiss, God Ua E Iniasa Miſevezir Gumazimin ziam bangin, me paza a damuti an aghumsizim iniam. Bizir kam a bar bizir ekiam, egha a Isipin daġaba ko kurukaziba ko biziba bar dagħ afira. Egha a ivezir aghuir God ġin a daningamim ġiniġnighavira ikia, egha a tugħa

11:23: Kis 1:22, 2:2, Ap 7:20 **11:23:** Ua Me Ini 1:22; 2:2; Aposel 7:20 **11:24:** Kis 2:10-12 **11:24:** Ua Me Ini 2:10-12 **11:26:** Hi 10:34-35, 13:13 **11:26:** Hibru 10:34-35; 13:13

gavgafi.†

²⁷ Egha Moses niġhnizir gavgavim Godin ikia egha a dikavigha Isip ataki. Isipin atrivim an aningaghe, ezi an atrivir kamın atiatir puvati. Guizbangıra, e gumazamiziba uan damazibar Godin garir puvati. Ezi arazir kamra Moses a gami, mati a uan damazimningin Godin gani, egha a bar gavgavigha iti.

²⁸ Ezi Enselin Ovevem Inigha Izim, otarir ivari-abav soghasava ami, ezi Moses Enselin arazir kam apırasa, Israelia akam me ganıga ghaze, me sip-sipin ghuzim isi uan tiar akaba bar ada aghefegh. Dughiar kamın Moses niġhnizir gavgavim Godin ikia, egha arazir kam me ganıngi, ezi tuavir kamın God Israelia Gitazir Dughiamın Isar Ekiam gamizi, an oto.

Israelin aviriba, me pamten niġhnizir gavgavim Godin iti

²⁹ Ezi Israelia me niġhnizir gavgavim Godin ikia, egha me Ongarir Aghevım abigha a giregha mati

† **11:26:** Migirıgiar otevir kam, “Krais,” an mınгарım kamakın, “Gumazir God Ua E Iniasa Misevezir Gumazim.” Ezi gumazir Hibrun Akınafarım osirizim a niġhnizir pumuning ikia ofa an osiri. An niġhnizir farazım kamakın, Israelin gumazamiziba bar God uabi ua bagha me ginaba. A ghaze, Moses aghumsızım ini, egha Godin ingangarım damu, egh Israelian akurvaghım, God gumazamizir kaba me amısevezi, me Kraisın mın iti. Ezi an niġhnizir mam ua kamakın, Guizbangıra Mosesın dughiamın, Krais İesus otazir puvati. Ezi Moses amizir ingangarır kam, mati a Kraisın ziamrama aghumsızım ini. **11:27:** Kis 2:15, 10:28-29, 12:37, 12:51, 14:13, Ro 1:20, 1 Ti 1:17, Hi 11:1, 11:13 **11:27:** Ua Me Ini 2:15; 10:28-29; 12:37; 12:51; 14:13; Rom 1:20; 1 Timoti 1:17; Hibru 11:1 **11:28:** Kis 12:21-30 **11:28:** Ua Me Ini 12:21-30 **11:29:** Kis 14:21-31 **11:29:** Ua Me Ini 14:21-31

me nguazir misingizimın zui. Ezi Isipba men gin zuima dipam me avarazi me dipam amegha ariaghire.

³⁰ Ezi Israelia me nighnizir gavgavim Godın iki-ava, egha me 7plan aruebar Jerikon nguibamın dagıar divazir ekiamın azenan a gighuagha arui. Ezi divazim bar akaraghire.

³¹ Ezi gumaziba isava akuir amizir mam, an ziam Rahap, a nighnizir gavgavim Godın ikia, egha gumazir moga garir pumuningın akuragha aning inigha uan dipenimın ghu. Kamaghın amizi, God gumazamizir an akam batogheziba me soghezi, a me ko aremezir puvati.

³² Ki nighnizir gavgavimın eghaghanir aviriba ia mikemegha gıfa, egh datırighın akar manam uam an gun ia mikimam? Ki ti Gideon, Barak, Samson, Jepta, Devit, Samuel ko Godın akam nıgha izir gumazibar eghaghanibar amuamin dughiaba puvati.

³³ Gumazir kaba me nighnizir gavgavim Godın ikia, egha me Kantrin Igharazibar Gumazamiziba ko misogha bar men midorozir gumaziba dikabini. Me arazir aghuim gamua, egha me bizir God me danıngasa akam akiriziba ini. Egha me laionbar akaba dukumi.

11:30: Jos 6:12-21 **11:30:** Josua 6:12-21 **11:31:** Jos 2:1-21, 6:22-25, Je 2:25 **11:31:** Josua 2:1-21; 6:22-25; Jems 2:25 **11:32:** Het 4:6-5:31, 6:11-8:32, 11:1-12:7, 13:2-16:31, 1 Sml 1:1-1 Kin 2:11 **11:32:** Gumazir Dapaniba 4:6-5:31; Gumazir Dapaniba 6:11-8:32; Gumazir Dapaniba 11:1-12:7; Gumazir Dapaniba 13:2-16:31; 1 Samuel 1:1-31:13 **11:33:** Het 14:5-6, 1 Sml 17:34-35, 2 Sml 7:11, Dan 6:1-27 **11:33:** Gumazir Dapaniba 14:5-6; 1 Samuel 17:34-35; 2 Samuel 7:11; Daniel 6:1-27

³⁴ Egha me avir dafabagh amizi da mungue. Ezi midorozir sababa itir gumaziba me misoghasava amima, me men are. Egha me gavgavir ekiaba putatigha, gin me gavgavim ini. Egha me midorozir gumazir gavgavibar otivigha, igharaz darazir modorozir gumazibar agintigha me misogha me abini.

³⁵ Ezi gumazir ariaghirezir maba, me ua dikafi, ezi men amiziba ua me ini. Ezi apaniba gumazir maba kalabus gatigha, men mikarziabagh asighasigha ghuav iti, me ariaghire. Men apaniba ghaze, me akirim ragh God gasaragham, eghti me me ateghti me mangam. Ezi me uan apanibar akaba batoke. Me ghaze, me aremegh, ua mozimin dikavigh ikirimirir aghuim iniam. Eghti ikirimirir igiar kam bar deragh nguazir kam in ikirimirim bar a gafiragham. Kamagh in amizi, apaniba me misoghezi, me ariaghire.

³⁶ Ezi apaniba marazi osimtiziba me garigha dibovir akabar me migia, me fozorogha senbar me ikia, me isa kalabus in me ariki.

³⁷ Apaniba dagiabar marazigh inifi. Ezi marasi, apaniba soba inigha men namnaba abizi me akuabagh iri. Marazi, apaniba midorozir sababar me misozima me ariaghiri. Ezi gumazir nighnizir

11:34: Het 15:8, 15:15, 1 Kin 19:3, 2 Kin 20:7, Dan 3:1-30 **11:34:** Gumazir Dapaniba 15:8; 15:15; 1 Atriviba 19:3; 2 Atriviba 20:7; Daniel 3:1-30 **11:35:** 1 Kin 17:17-24, 2 Kin 4:25-37, Ap 22:25

11:35: 1 Atriviba 17:17-24; 2 Atriviba 4:25-37 **11:36:** 1 Kin 22:26-27, 2 Sto 18:25-26, Jer 20:2, 37:15, 38:6 **11:36:** 1 Atriviba 22:26-27; 2 Eghaghaniba 18:25-26; Jeremaia 20:2; 37:15; 38:6

11:37: 1 Kin 21:13, 2 Kin 1:8, 2 Sto 24:21, Ap 7:58, 14:19 **11:37:** 1 Atriviba 21:13; 2 Atriviba 1:8; 2 Eghaghaniba 24:21; Aposel 7:58; 14:19

gavgavim itir maba, me sipsipin iniba ko memen iniba, me inibar min da ikegha zui. Egha me onganarazibagh amua ikia biziba bar puvati. Ezi gumaziba osimtiziba ko mizaziba me ganiga paza me gami.

³⁸ Nighnizir gavgavimin itir gumazir kaba, men araziba bar dera, ezi nguazir kamın gumaziba arazir aghuibar me damuan firin, me men ikufi. Kamaghın amizi, me tintinibar ghua, gumazamiziba puvatizir danganiba ko mighsiabar puram arua, egha dagiar toriba ko nguazimin aven itir mozibar aven iti.

³⁹ Gumazamizir kaba bar, nighnizir gavgavim Godin iti, egha ziar aghuiba Godin damazimin da ini. Egha me nguazimin itir dughiamin, me bizir aghuir God me daningasa akam akiriziba me da inizir puvati.

⁴⁰ Me tizim bagha da inizir puvati? God fomira bizir bar aghuim e bagha anekirizi a ikia bizir faragha itiba bar dagh afira. God kamaghın nighnigha ghaze, gumazamizir faragha itir kaba deragh otogh en faragh mangan an aghua. Puvati. E me ko uari inigh deravira ikiasa, a ifonge.

12

E Iesusin ganiva, egh nighnizir gavgavimin an ikiam

11:38: 1 Kin 18:4, 19:9 **11:38:** 1 Atriviba 18:4; 19:9 **11:40:**
 Hi 5:9, 7:22, 8:6, MAA 6:11 **11:40:** Hibru 5:9; 7:22; 8:6; Akar
 Mogomem 6:11

¹ Ezi gumamazir fomira itiba, me ghuariamın mın e okarigha tuivaghav ikia, egha nighnızir gavgavimın arazim en akakasi. Kamaghın amizi, bizir en tuaviba pirima e uan ivemarim deragha a gamir puvatıziba, ko arazir kurar en suiziba, e bar ada ataghıragham. Egh e naviba gavgavigh egh e ivemarir ekiar God e bagha atızir kamın ivemaram.

² E Iesusra ganam, an en nighnızir gavgavimın mingarim, egh an en nighnızir gavgavim damighti, a gın deraghvıram otogham. Iesus fo, a bar deravıra Godın akamın gın mangı egh a gın bar deravıra ikıva bar akuegh mamaghıra ikiam. Egha a bizir kam gınighnıgha gavgavigha ikia osımtıziba atera ter ıghuvimın ovenge. Gumamaziziba kamaghın nıghnıgha ghaze, gumazir ter ıghuvimın ovengezim, a bar gumazir arazir kurabagh amim, egha aghumsızir ekiam isi. Ezi Iesus aghumsızim gınighnızir puvatıgha, egha areme. Egha datırıghın a Godın agharir guvimın atrivir dabirabimın aperaghav iti.

God e akırmıghasa osımtıziba e ganıdı

³ Ia bar deraghvıra Iesus gınighnıgh. Gumazir arazir kurabagh amiba fomira bar puvıra Iesusın apanim gami. Ezi a bar tugha gavgafi. Ia bizir kam gınighnıgh egh tugh gavgavighsi amırvaghan marki, egh uan nighnızir gavgavim ataghıraghan marki.

12:1: Ro 7:21, 12:12, 1 Ko 9:24-25, Fl 3:13-14, Hi 10:36, 1 Pi 2:1

12:1: Rom 7:21; 12:12; 1 Korin 9:24-25; Filipai 3:13-14; Hibru 10:36; 1 Pita 2:1 **12:2:** Fl 2:8, Hi 1:3, 1:13, 1 Pi 1:11, 3:22 **12:2:** Filipai 2:8; Hibru 1:3; 1:13; 1 Pita 1:11; 3:22 **12:3:** Jo 15:20, Ga 6:9

12:3: Jon 15:20; Galesia 6:9

⁴ Guizbangıra, ia arazir kuram abınasa mıdorozim gami, ezi mıdorozir kamın ian tav ovegha ghuzitam irezir puvati.

⁵⁻⁶ God gavgavim ian navibar anıngasa, ia ganıngızir mıgırıgıaba, ia ti da bakınıghnıghız, o? A ia dibora ghaze, ia an boribara, egha ghaze:

“Nan boriba, ia fo,
 gumazamızir Ekiam ifongeziba
 a me akırmsı.
 A gumazitam inıgh uan borımın mın a
 diponıva,
 egh uaghan a fozorogham.
 Kamaghın amızı, Ekiam nı akırsı bizitam nı
 damıghtı,
 nı kamaghın nıghnıghan markı,
 kar pura bizim.
 Egh nı uaghan osıman markı.”

⁷ Ia tuıvıgh gavgavıgh, egh Godın amamangatıghtı a ia akır mıgh. Osımtızim ia batoghtı ia kamaghın fogh, mati afezıam uan borıbagh amır arazımra, God uaghan ia gamı. Borır manatam itıma an afezıam ti anekırımızır pu? Puvati.

⁸ God uan borıba bar da akırmsı. A ia akır mıghan koghtı, ia fogh, ia guızbangırıama an borıba puvati. Ia pura tuavımın otıvızır borıba.

12:4: 1 Ko 10:13, Hi 10:32-34 **12:4:** 1 Korın 10:13 **12:5-6:** Jop 5:17, Snd 3:11-12 **12:5-6:** Jop 5:17; Onger Akaba 94:12; Aghuzır Akaba 3:11-12; Jems 1:12; Akar Mogomem 3:19 **12:7:** Lo 8:5, 2 Sml 7:14, Snd 13:24, 23:13 **12:7:** Godın Arazıba 8:5; 2 Samuel 7:14; Aghuzır Akaba 13:24; 23:13 **12:8:** Sng 73:15, 1 Pi 5:9

⁹ Ia bizir kam ginihniġh, en afeziar nguazim in itiba, e akirmizima e men ziaba fe. Kamagh in amizi, en duabar Afeziam, e bar guizbangira an apengan ikiva egh angamira ikivira ikiam.

¹⁰ En afeziar nguazim in itiba, dughiar bar otevirar me ifongez i moghin en araziba akirmisi. Ezi God kamagh in niġhniġi, e guizin an damazim in zueghavira itir arazimra inigh an miraram otogham. Kamagh in amizi, an en akurvaghasa e akirmisi.

¹¹ Afeziam e akirmighasa osimtizim e ganingizi, e ghaze, osimtizir kam bar e itarazima e ikia bar akongezir puvati. Egha en navir averiaba bar oseme. Eghti an e akirigh givaghti, dagher aghuir en otivamibara kara: e God in damazim in arazir aghuibara damuam, eghti en navir averiaba amiragh ikiam.

E tuivigh gavgavighsi aghariba kinkinam

¹² Eghti ian aghariba gavgaviba puvatigh egh amiragh ikiti, ia da fegh ingangarim damu. Eghti ian sueba aremegh pura ikiti,

¹³ ia da inigh tuavir aghuim in daruvira iki. Ia kamagh in damuti ian sueba bar ikuvighan kogham. Puvati, da ua deragham.

¹⁴ Ia, gumamaziba bar me ko, dabirabir aghuim damuva, navir amirizim in arazim

12:9: Sav 12:7, Ais 42:5 **12:9:** Fofozir Gumazim 12:7; Aisaia 42:5 **12:10:** Wkp 11:44, 1 Pi 1:15-16 **12:10:** Ofa Gami 11:44; 1 Pita 1:15-16 **12:11:** Je 3:17-18 **12:11:** Jems 3:17-18 **12:12:** Ais 35:2 **12:13:** Snd 4:26, Ga 6:1 **12:13:** Aghuzir Akaba 4:26; Galesia 6:1 **12:14:** Sng 34:14, Ro 12:18, 2 Ko 7:1, Ef 5:5, 2 Ti 2:22
12:14: Onger Akaba 34:14; Rom 12:18; 2 Korin 7:1; Efesus 5:5; 2 Timoti 2:22

baghiva mighighvira ingar aghariba kinkin. Egh ia uari isi God daningisi, Godin damazimin zuezir arazim bagh mighighvira ingar. Gumazir Godin damazimin zuezir araziba puvatizim, an Ekiamin ganan kogham.

¹⁵ Ia bar deraghvira uari bagh gan, ian tav irigh egh ua Godin apangkuvir kam ataghiraghan marki. Eghti ian tav ua temer ovizir misozimin min otogh osimtiziba Kraisin adarazir aningan marki.

¹⁶ Egh ian tav poroghamiba uari bakia uari ko akuir arazim damuan marki. Egh tav Iso fomira amizi moghin, akirim ragh God gasan marki. An Aisakin otarir ivariam, egh bizir aghuir aviriba iniam firin, a dagher otevir vamira bagha pura uan bizir aghuiba bar da isa uan dozimin agharim gati.

¹⁷ Ia fo, a gin uamategha uan afeziamin bizir aghuir kaba iniasa migei. Ezi God ghaze, puvati. Iso bizir aghuiba iniasa zurarama aziava, egha a navim gighan tuaviba puvati.

E Godin Nguibamin itir Jerusalemın otogha gifa

¹⁸ Ia uan dafaribar suighamin biziba ia da bativizir puvati, mati Israelia fomirama ami. Me iza Sainain Mighsiamin boroghin ikia, egha maburan avim ko mitarmer bar pizimin gara aminir bar gavgavim ko,

12:15: Lo 29:18, Ap 8:23, 2 Ko 6:1, Ga 5:4, Hi 3:12 **12:15:** Godin Araziba 29:18; Aposel 8:23; 2 Korin 6:1; Galesia 5:4; Hibru 3:12 **12:16:** Stt 25:29-34 **12:16:** Jenesis 25:29-34 **12:17:** Stt 27:30-40 **12:17:** Jenesis 27:30-40 **12:18:** Ro 6:14, 2 Ti 1:7 **12:18:** Ua Me Ini 19:16-22; 20:18-21; Godin Araziba 4:11-12; 5:22-27

19 sïghamin ararem baragha gumazir mamın tiarim barasi. Gumazamiziba tiarir kam baragha bar atiatigha kamaghın Moses miğei, “E uam or- aghan aghua.”

20 Ia fo, God Akar Gavgavim me ganıngizi, me bar an atiatigha a baraghan aghua. Akar kam kamaghın miğei, “Gumazitam o asızitam miğhsiar kamın mangı puram an suiragham, eghti ia dagıaba isi a ginivightıma an aremegh.”

21 Ezi bizir me ganizir kam me bar an atiatingi, ezi Moses uaghan atiatigha ghaze, “Kı uaghan bar atiatigha egha puvıra nısi.”

22 Ia bizir kamaghın garitam batozir pu. Puvati. Ia Saionın Miğhsiam ko Godın zurara itimın nguıbar ekiamın otogha gıfa, kar Jerusalemın nguıbar Godın Nguıbamın itim. Egha ia tausen tausenpla enselba batifi, me uari akuvagha bar akuegha iti.

23 Ia Godın borir ivariabar ivıriar ekiam batogha gıfa, kar Godın Nguıbamın itir Akınafarımın ziaba osirigha gıvazir darasi. Ia Godın kam batogha gıfa, a gumazamiziba bar men araziba tuisıghamin Jas. Ia, gumazir fomıra Godın damazımın bar deragha egha aremegha,

12:20: Kis 19:12-13 **12:20:** Ua Me Ini 19:12-13 **12:21:** Kis 19:16, Lo 9:19 **12:21:** Ua Me Ini 19:16; Godın Araziba 9:19

12:22: Sng 68:17, Ga 4:26, Fl 3:20, MAA 5:11, 21:2, 21:10 **12:22:** Onger Akaba 68:17; Galesia 4:26; Filipai 3:20; Akar Mogomem 5:11; 21:2; 21:10 **12:23:** Lu 10:20, Fl 4:3, Hi 11:40, MAA 13:8, 14:4

12:23: Luk 10:20; Filipai 4:3; Hibru 11:40; Akar Mogomem 13:8; 14:4

deravıram otiviziba, ia men duaba batifi.*

²⁴ Ia Iesusra bato, an abuir gumazir God ko en tighın itim, egha Akar Dikirızir Gavgavir Igiam gami. Egha ia Iesusın ghuzimın otifi, a fomıra Akar Dikirızir Gavgavir Igiar kam gavgavim a danıngasa a kavkını. Ezi ghuzir kamra akar aghuim e mikiri, fomıra Abelin ghuzim akam akunizi moghın an amir Puvati. Iesusın ghuzim akar bar aghuim akuri, ezi akar kam Abelin ghuzimın akam gafira.

E deraghvıra uari bagh ganam

²⁵ Ia deraghvıra gan, egh ia uan kuaribav kumigh Gumazir Migeimin akam baraghan aghuaghan marki. Fomıra nguazir kamın God Akar Gavgavim gumazamizibagh anıngi. Ezi me an akam baraghan aghua, egha gın me uan arazir kurabar ivezir kuram gitazir puvati. God datırighın uan Nguibamın ikia egha akar bar gavgavim e ganıngi. E akirim ragh a gasaragh egh e uan arazir kuramın ivezir kuram gitaviragham, o? Bar puvati.

* **12:23:** E fo, Iesus, a Godın borir ivariam. Ni Hibru 1:6ın gan. Gumazir Hibrun akınafarim osirizim, dughiar aviribar kamaghın mıgıa ghaze, God bizir aghuiba uan borir ivariabar anıngasa. Ni Hibru 6:12 ko 9:15ın gan. Judabar arazim kamakın, borir ivariabara uan afeziamın bizir aviriba isi. Ni Hibru 12:16ın gan. Akınafarir kam osirizir gumazim kamaghın mıgıa ghaze, God bizir aghuiba uan gumazamizibar anıngasa egha me dibora ghaze, “Me Godın borir ivariaba.” **12:24:** Stt 4:10, Hi 8:6, 10:22, 11:4, 1 Pi 1:2

12:24: Jenesis 4:10; Hibru 8:6; 10:22; 11:4; 1 Pita 1:2 **12:25:** Kis 20:22, Hi 2:1-3, 3:17, 10:26-29 **12:25:** Ua Me Ini 20:22; Hibru 2:1-3; 3:17; 10:26-29

²⁶ Fomira itir dughiamin, Godin akam nguazim gamizi mikimkizim an oto. Ezi datirighin a kamaghin akar dikirizim e ganigha ghaze, “Ki ua nguazim damighti mikimkizim an otogham, eghti nguazimra puvati, ki nguazim ko overiam uaghara kamaghiram aning damigham.”

²⁷ God dughiatam uam a damuasa mikeme, kamaghin e fo, God nguazim ko overiam ginobaghti mikimkizim aning batoghtima, bizir a ingariziba ua ikian kogham. Eghti bizir akongan koghamiba, darara ikivira ikiam.

²⁸⁻²⁹ Bizibagh Ativamin Danganir e inizir kam, an akongan kogham. Kamaghin amizi, e danganir kam bagh a minabagham. E fo, en God mati avir puvira bizibagh asighasizim. Kamaghin amizi, e an atiatingiva an apengan iki, egh a minabiva a uabi ifongezir arazimin gin mangi an ziam fam.

13

E vaghvagh igharaz darazigh ifuegham

¹ Ia Kraisin adarasi, ia vaghvagh uarigh ifongegh mamaghira iki, mati ia uan adarazigh ifongezi mokin.

12:26: Kis 19:18, Sng 68:8, Hag 2:6 **12:26:** Ua Me Ini 19:18; Onger Akaba 68:8; Hagai 2:6 **12:27:** Sng 102:26, Mt 24:35, 2 Pi 3:10, MAA 21:1 **12:27:** Onger Akaba 102:26; Matyu 24:35; 2 Pita 3:10; Akar Mogomem 21:1 **12:28-29:** Godin Araziba 4:24; 9:3; Onger Akaba 50:3; Aisaia 33:14; Hibru 10:27 **13:1:** Jo 13:34, 1 Te 4:9, 1 Pi 1:22, 2 Pi 1:7, 1 Jo 3:11, 4:7, 4:20 **13:1:** Jon 13:34; 1 Tesalonika 4:9; 1 Pita 1:22; 2 Pita 1:7; 1 Jon 3:11; 4:7; 4:20

² Nguibar igharazibar gumaziba ian bighan iza-min dughiabar, ia me inigh uan dipenibar mangisi okinighnighan marki. Ia fo, fomira gumazamizir maba ghaze, me gumazir kiniba isa uan dipenibar ghua egha men gari. Ezi gumazir me inigha izir kaba, me enselba. Me ghaze, me guizin gumazibar gari, ezi puvati, me enselbara gari.

³ Ia Godin gumazamizir kalabusin itibagh nighnigh, mati ia me ko kalabusin iti. Egh ia uaghan gumazir men apaniba paza me gamizibagh nighnigh. Ia fo, ia nguazir kamın ikiavira iti, ezi apaniba uaghan ti arazir kamra ia damuam.

⁴ Ia bar kamaghin fogh, gumazim ko amizim uaningin ikia poroghamimningin otozir arazim, a bizir bar aghuim, egha Godin damazimin dera. Ezi ia poroghamiba bar deravira uan arazibar gan. Eghti God gin ivezir kuram isi, gumazamizir uari bakiava akuiba ko afiar arazibagh amir gumazamizibar aningam.

⁵ Ia dagiar aviriba ikisi ifueghan marki. Ia kamaghin nighnigh, bizir ia itiba, da ian tughatizir puvati. Ia fo, God kamaghin e mikemegha gifa:

13:2: Stt 18:1-8, 19:1-3, Mt 25:35, Ro 12:13, 1 Ti 3:2, 1 Pi 4:9 **13:2:** Jenesis 18:1-8; 19:1-3; Matyu 25:35; Rom 12:13; 1 Timoti 3:2; 1 Pita 4:9 **13:3:** Mt 25:36, Ro 12:15, 1 Ko 12:26, Kl 4:18, Hi 10:34, 1 Pi 3:8
13:3: Matyu 25:36; Rom 12:15; 1 Korin 12:26; Kolosi 4:18; Hibru 10:34; 1 Pita 3:8 **13:4:** 1 Ko 6:9, Ga 5:19-21, Ef 5:5, Kl 3:5-6, MAA 22:15 **13:4:** 1 Korin 6:9; Galesia 5:19-21; Efesus 5:5; Kolosi 3:5-6; Akar Mogomem 22:15 **13:5:** Lo 31:6-8, Jos 1:5, Mt 6:25, 6:34, Fl 4:11-12, 1 Ti 6:8 **13:5:** Godin Araziba 31:6-8; Josua 1:5; Matyu 6:25; 6:34; Filipai 4:11-12; 1 Timoti 6:8

“Ki ia ateghti
 bizitam paza ia damuan kogham.
 Bar puvati.
 Guizbangira, ki ia ateghan kogham.”

⁶ Kamaghin amizi, e gavgavim uan navibar aning egh mikim suam:

“Ekiam nan Akurvazir Gumazim,
 na ko itima
 ki atiatir puvati.

Ki fo,
 gumazamiziba arazitamin na damighan kogham.”

E Iesusin gin mangisi aghumsighan kogham

⁷ Ia uan siosin gumazamizir dapanibagh nighnigh, me fomira Godin akamin gun ia mikeme. Ia men arazir aghuiba ko men ovevem ginighnigh. Egh men nighnizir gavgavimin arazim, ia uaghan an gin mangi.

⁸ Kraus Iesusin arazim, a fomira kamaghira ikia datirighin ikia, egh a gin zurara kamaghira ikiam.

⁹ Ia Akar Aghuimin min zuir puvatizir akar igharaziba ateghti, da ian nighnizibagh asighasighti, ia Godin gin zuir tuavir aghuim ataghiraghan marki. Kamaghin amizi, e Godin apangkuvim amamangatighti a gavgavim en navir averiabar aningam. Dagheba apir arazim

13:6: Sng 118:6 **13:6:** Onger Akaba 118:6 **13:7:** 1 Ko 4:16, Hi 6:12 **13:7:** 1 Korin 4:16; Hibru 6:12 **13:8:** Jo 8:58, Ef 4:14, Hi 1:12, MAA 1:4 **13:8:** Jon 8:58; Efesus 4:14; Hibru 1:12; Akar Mogomem 1:4 **13:9:** Ro 14:17, Ef 4:14, Kl 2:4, 2:8, 2:16, 1 Ti 4:3
13:9: Rom 14:17; Efesus 4:14; Kolosi 2:8; 2:16; 1 Timoti 4:3

gavgavim en navir averiabar aningan kogham. Arazir kam, gumamazibar darorimın akurvazir puvati.

¹⁰ Ezi e Godın ofa gamir dakozir mam iti. Ezi Judabar Purirpenimın aven ofa gamizir gumaziba, God men anogoroghezıma, me ofa gamir dakozir kamın daghebar aman kogham.

¹¹ Ofa gamir gumazibar dapanim, an asızibar ghuziba inigha Bar Anogoroghezir Danganir kamın aven ghugha, arazir kuraba gın amangasa ofa gami. Egha asızir kabar kuaba inigha gumamaziziba iti naghın azenan ghua saghon da tuema, da isia mighiri.

¹² Kamaghıra, Iesus uaghan nguibar ekiamın azenan mızazim ini. A ghaze, a uan ghuzimın gumamazizibar amightı me Godın damazimın zuegh egh Godın gumamazizibar otivigham, kamaghın an areme.*

¹³ Kamaghın amizi, e uaghan a bagh nguibamın azenan mangıva, egh a inizir aghumsızim e

13:10: 1 Ko 9:13, 10:18 **13:10:** 1 Korin 9:13; 10:18 **13:11:** Kis 29:14, Wkp 6:30, 16:27, Nam 19:3 **13:11:** Ua Me Ini 29:14; Ofa Gami 6:30; 16:27; Diboboniba 19:3 **13:12:** Mt 21:39, Jo 19:17-18, Ap 7:58 **13:12:** Matyu 21:39; Jon 19:17-18; Aposel 7:58

* **13:12:** Moses Osirizir Araziba ghaze, gumamaziziba Godın ofa damuasa inigha izir asıziba, ofa gamir gumaziba da api. Me asızir gumamazizibar arazir kuraba gın amangısi, dughiar ekiabar ofa gamiba, me dar aman kogham. Ni Ofa Gami 6:24 ko 24:30 ko 16:27in gan. Datırighın, ofan dughiar ekiar kam, Iesus amizir ofan kam an danganım ini. Ni Hibru 9:7 ko 14ın gan. **13:13:** Hi 11:26, 12:2, 1 Pi 4:14 **13:13:** Hibru 11:26; 12:2; 1 Pita 4:14

uaghan a iniam.†

¹⁴ E fo, nguazir kamın e zurara ikiamin nguibar ekiatam itir puvati. Egha e nguibar gın izamim bagha mızua iti.

¹⁵ Kamaghın amizi, e Iesusın ingangarimın tu-avimın, e zurara ziar ekiam isi ofan mın God daning mamaghıra ikiam. Eghti en akatoriba zurara an ziam fı suam, a en Ekiam.

¹⁶ Egh ia arazir aghuibar gumazamizibar amu. Me bizitabar oteveghti, ia men akurvaghısi bizitaba me daning. Ofan kamaghın gariba, God bar dagh ifonge. Kamaghın amizi, ia arazir kabar amusi okinighnıghan marki.

God e damuti e deravıra ikiam

¹⁷ Ian gumazir dapaniba ian akurvaghısa zurara ian gari. Egh me gın ingangarir me amizibar gun God ko mikimam. Kamaghın amizi, ia men akaba baragh egh men apengan iki. Ia

† **13:13:** Gumazir maba ti, Kraisin gın zuir darazir amighti, me Moses Osirizir Arazibar aven itir dagheba apir arazimın gın mangasa. (Ni ves 9ın gan.) Ezi gumazir Hibrun akinafarim osirizim ghaze, Kraisin gın zuir darasi, Judaba itir nguibabar ikian markiam. Me kamaghın nighnıghan marki, Moses Osirizir Araziba me damuti, me Godın damazimın zuegham. Puvati. Iesusın ingangarimrama me zuegha gıfa. Kamaghın amizi, me a ko ikisi aghumsıghan kogh, anarira gın mangam. **13:14:** Mai 2:10, Fl 3:20, Hi 11:10, 11:16, 12:22 **13:14:** Filipai 3:20; Hibru 11:10; 11:16; 12:22 **13:15:** 2 Sto 29:31, Sng 50:14, 50:23, 69:30-31, Hos 14:2, 1 Pi 2:5 **13:15:** 2 Eghaghanıba 29:31; Onger Akaba 50:14; 50:23; 69:30-31; Hosea 14:2; 1 Pita 2:5 **13:16:** Ro 12:13, Fl 4:18, Hi 6:10 **13:16:** Rom 12:13; Filipai 4:18; Hibru 6:10 **13:17:** Ese 3:17, 1 Te 5:12, 1 Ti 5:17 **13:17:** Esekiel 3:17; 1 Tesalonika 5:12; 1 Timoti 5:17

kamaghin damuti, me bar akuegh uan ingan-
garim damuam. Ia kamaghin damuan koghti, me
osimtizim sara ian ganam, eghti bizir kam ian
akuraghan kogham.

¹⁸ Ia e bagh God ko mikimvira iki. E kam-
aghin bar fo, e dughiabar zurara arazir aghuibara
amuasa bar ifonge. E uan araziba bar deravira da
tuisigha arazir aghuibar gin ghua egha en navir
averiaba osimtiziba Godin damazimin puvati.

¹⁹ Ki mighira ia gakaghori, ia na bagh God ko
mikim suam, a nan akuragh na amadaghti ki
zuamira ia bagh izam.

²⁰ Ki ia bagha God ko migei, Godin Navir
Amirizimin Mingarim, a en Ekiam Iesus ovevem
a gamizi a ua dikafi. Iesus, Sipsipbar Garir Gu-
mazir Gavgavim Itim, a uabi ofan min aremegha
uan ghuzimin Akar Dikirizir Gavgavir kam, gav-
gavim a ganingi, eghti a iki mamaghira ikiam.

²¹ Ezi ki ia bagha Godin kam ko migia kamaghin
an azangsis, eghti a ian akuragh gavgavim ia
daningti, ia arazir aghuibar amu, egh an ifon-
giamin gin mangam. Eghti Kraiss Iesusin ingan-
garimin tuavimin, an en navir averiabar aven
ingarti, e a ifongezir arazibar amuam. Egh e zu-
razurara ziar ekiam a daning mamaghira ikiam.
Bar guizbangira.

13:18: Ap 23:1, 24:16, Ro 15:30, 2 Ko 1:12, Kl 4:3 **13:18:** Aposel
23:1; 24:16; Rom 15:30; 2 Korin 1:12; Kolosi 4:3 **13:20:** Ais 55:3,
Jer 32:40, Ese 37:26, Sek 9:11, Ro 15:33, 1 Ko 6:14, Hi 10:29, 1 Pi 2:25

13:20: Aisaia 55:3; Jeremaia 32:40; Esekiel 37:26; Sekaraia 9:11;
Rom 15:33; 1 Korin 6:14; 1 Pita 2:25 **13:21:** Ga 1:5, Fl 2:13, 2 Te
2:17, 1 Pi 5:10 **13:21:** Galesia 1:5; Filipai 2:13; 2 Tesalonika 2:17;
1 Pita 5:10

Akar abuananaba

²² Nan adarasi, akar ki ia bagha osirizir kam, a ruarazir puvati. Kamaghin amizi, ia nimira iki, egh akar ki gavgavim ian navibar aningasa osirizir kam, ia deraviram a baragh.

²³ Ki kamaghin ia mikimasa ifonge, me kalabusin en aveghbuam Timoti firizi, a ua kalabusin itir puvati. A zuamira na bagh izeghiva, ga uaghara mangi ian ganam.

²⁴ Ia uan gumazir dapaniba ko Godin gumazamiziba bar me mikim suam, ki ghaze, God deraghvira me damu. Ezi Kantri Italin itir Kraisin adarazi uaghan ia bagha akam amaga ghaze, God deraghvira ia damu.

²⁵ Ki kamaghin God ko migia ghaze, Godin apangkuvim a bar moghira ia ko iki.

**Godin Eghaghanim: Akar Gavgavir Dikirizir
Ghurim ko Igiam**

**The Holy Bible in the Aruamu language of Madang
Province, Papua New Guinea, 2020 Edition**

**Buk Baibel long tokples Aruamu long Madang Provins
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 28 Dec 2024 from source files dated 29 Jan 2022

8f6beb37-6783-55d5-91ed-8321cc3f5eea